

ԱՐՑԱԽԻ ՄԵԼԻՔԱԿԱՆ ՏՆԵՐԻ ՏՈՀՄԱԾԱՌԵՐԸ

(Նիւթեր հայոց մելիքութիւնների մասին)

(Ծար. «Բազմավէպ» 162 [2004] էջ 93-121)

ԳԼՈՒԽ Դ

ՎԱՐՍՆԴԱ ԳԱԽԱՌԻ ՏԻՐԱԿԱԼ ՄԵԼԻՔ-ՇԱՀՆԱԶԱՐԵԱՆՆԵՐԻ ՏՈՀՄԱԾԱՌԸ

Վարանդա գաւառի մելիքութեան տարածքը սկսում էր կարկառ գետից եւ տարածում մինչեւ Քիրս-Դիզափայտ լեռնագոտին։ Ժի. դարի սկզբից Վարանդա գաւառի տիրակալներն էին Մելիք-Շահնազարեանները, որոնց իշխանանիստը Աւտորանոց (Չանախչի) բերդաւանն էր։ Այստեղ «ժամանակին երեք մելիքական ապարաններից բաղկացած պալատական համալիր է եղել, որոնցից միայն մեկն է հատուածարար մեզ հասել եւ գտնելում է բերդապարսպի դարպասներից մի փոքր արեւելք՝ դարաւանդի վրայ»¹։ Սոյն գլխում համառօտ ներկայացուած են Մելիք-Շահնազարեանների ազգաբանութիւնը եւ տոհմածառը։

Միջնադարեան Հայաստանի եւ Վրաստանի կեանքում չափազանց մեծ դերակատարութիւն ունեցած «Զաքարիա սպասալարն ու Խվանէ աքարէկը ունեցել են 3 քոյրեր՝ Նանա, Դօփ եւ Խորիշահ»², ու նրանց քոյր Դոփից առաջացած Դոփեան իշխանական տոհմից է ԺԶ. դարի սկզբում սերուել Գեղարքունիքի Մելիք-Շահնազարեանների տոհմը³, որի ներկայացուցիչ Միրզաբեկ Ժի. դարի սկզբին բնակութիւն է հաստատել Վարանդայի բեկը Ժի. դարի սկզբին բնակութիւն է հաստատել Վարանդայի

¹ ՂՈՒԼԵԱՆ Ա., Արցախի եւ Սիւմիքի մելիքական ապարանները, Երեւան, 2001, էջ 89.

² ՏԵՐ-ՄԿՐՏՉԵԱՆ Կ., Դօփեանք եւ Մելիք-Շահնազարեանք, «Նիւթեր հայ մելիքութեան մասին», պրակ Բ, էջմիածին, 1914, էջ 31, նաեւ՝ Կիրս-Կո-ՍԵՍՆ Գ., Մատենագիտական տեղեկութիւններ Դոփեանների մասին, «Պատմաբանասիրական հանդէս» (այսուհետեւ՝ «ՊԲՀ»), 1969, թիւ 1, էջ 217,

³ ՏԵՐ-ՄԿՐՏՉԵԱՆ Կ., նշ. աշխ., էջ 97 եւ յաջորդ էջերում։

Աւետարանոց գիւղում եւ այնտեղ սկիզբ դրել Մէլիք-Շահնազարեանների տիրապետութեանը:

Սոյն Միրզաբեկի՝ Վարանդայի Աւետարանոց գիւղում հաստատուելու մասին Ա. Զալալեանցը գրում է. «Վերանորոգող մեծաշնչն գիւղաքաղաքին եղեւ մէլիք Միրզաբեկ որդի մէլիք Մէլիքբեգի, թոռն Ապովայ տեառն Գեղամայ, եղբայր Շահնազարայ՝ տեառն Գեղարքունիոյ, բանզի ի օրանալ կովկասական ասպատակաց եւ յարձակիլ ի վերայ նահանգին Գեղամայ ի թուին Հայոց ՌԼԱ (1582), որպէս երեւի ի տապանագիրս այնր գաւառի թէ «ի փոխիլ Ղուզիլբաշին Տաղստանայ Լեկզին» որ գաւառս աւերեցաւ թվին ՌԼԱ-ին»: Այնուհետեւ սկիզբն եղեւ աւերանաց բարեբեր աշխարհին Գեղամայ. վասն որոյ եւ բնակիչն նորա անապարեալ անկան յամուրս Արցախու եւ Գարդմանայ, յայնժամ եւ Մէլիքբեգ ընտանեօֆ իւրովք էջ ի գիւղն Աւետարանոց եւ սկիզբն արարեալ վերանորոգեաց զատ եւ շքեղացոյց որպէս վայելն էր իւրումն փառաց եւ պատույ, յորոյ սերնդոց ելին արք հզօրք եւ անուանին. եւ եղեն տիրապետողք այսոցիկ գաւառաց»⁴: Հետագայում այս տեսակէտը դրեթէ նոյնութեամբ մէջըերել է նաեւ Ա. Մբաստեանցը⁵:

Այն, որ Մէլիք-Շահնազարը ունեցել է Միրզաբեկ անունով կրտսեր եղբայր, ակնյայտ է դառնում Կ. Տէր-Մկրտչեանի հրատարակած հետեւեալ յիշտակարաններից.

«Դարձեալ յիշեցէ՛ք զպարոն(աց պարոնն եւ զիշխանաց) իշխանն զմէլիք Շահնա(զարն) եւ զհայրն իւր զՄէլիքբեկն եւ զմայրն իւր զպարոն Խաթունադեն եւ զկենակիցն իւր պարոն Թարխրի(շահ)անն եւ զյիշխանատիպ որդիին իւր՝ զՀախնազարբէկն, զէսայրբեկն եւ զԴիլանցի բէկն եւ զՔամալբեկն եւ

«Դարձեալ յիշեցէ՛ք ի Քրիստոս զպարոնաց պարոնն եւ զիշխանաց իշխանն՝ զՄէլիք Շահնազարն եւ զհայրն իւր զՄէլիքբեկն եւ զմայրն իւր զխաթունադեն եւ զկենակիցն իւր զպարոն Թախրիշահանն եւ զիշխանատիպ որդիին իւր՝ զՀախնազարբէկն եւ զէսայրբեկն եւ զԴիլանցի բէկն եւ Քամալ բէկն

⁴ ԶԱԼԱԼԵԱՆՑ Ա., Ճանապարհորդութիւն ի Մեծն Հայաստան, Հ. Բ, ՏՐՄԻՒՄ, 1858, էջ 247:

⁵ ՄՄԲԱ.ՏԵԱՆՑ Մ., Տեղեկագիր Գեղարքունի Ծովագարդ գաւառի, ՎԱՂԱՐԺԱՊԱՄ, 1896, էջ 810,

զԱվրիբեկն, եւ գդուստըն իւր զԽաքունաղէն, եւ զփոխեցեալսն առ Աստուած՝ զպարոն տէր Յոհանէսն եւ զպարոն տէր Տէրունն եւ զԹահիրն եւ զՇիրին-պաշին, եւ զհամեստ հարունին իւր՝ զպարոն Վախախն եւ զԹանումաղէն եւ զԱղայ-սուլթանն, եւ զնորաքողբոջ որդիին, քոռն իւր զՆաղդին, եւ զհարազատ եղբայրսն իւր՝ զպարոն Ատրէկն, որ տարաժամ մահուամբ փոխեցաւ առ Քրիստոս, եւ զԳաւզչայրէկն եւ որդին իւր զԼաւանդրէկն, եւ զՄիրզաքարէկն եւ որդի իւր զԲադրիխանն, եւ զայլ ամենայն արեան մերձաւորսն իւր»:

եւ զԱվրի քէկն, եւ գդուստըն իւր զԽաքունաղէն. եւ զփոխեցեալսն առ Աստուած՝ զպարոն Տէր Յոհանէսն եւ զպարն Տէրունն եւ զԹահիրն եւ զՇիրին-պաշին. եւ զհամեստ հարունին իւր՝ զպարոն Վախախն եւ զԹանումաղէն եւ զԱղայսուլթանն. եւ զնորաքողբոջ քոռն իւր զպարն նաղտին. եւ զհարազատ եղբայրսն իւր՝ զպարն Ատրէկն, որ տարաժամ մահուամբ փոխեցաւ առ Աստուած, եւ զԳաւզչայրէկն եւ զորդին իւր զԼաւանդրէկն. զՄիրզաքարէկն եւ որդին իւր զԲադրիխանն. եւ զայլ ամենայն արեան մերձաւորսն իւր»⁶:

Սակայն Կ. Տէր-Մկրտչեանը մերժել է Ս. Զալալեանցի առաջարկած 1582 թուականը, հիմնաւորելով, որ թէեւ վերջինս «Միրզայ քէկի տեղափոխութիւնը Սոքքից Վարանդայ եղած համարում է 1582 թուին, երբ Լեկզիք արշաւել աւերել են Գեղարքունիքը, եւ այն ժամանակից սկսուել է այդ գաւառի աւերումը եւ բնակիչների ցիրուցան լինելը։ Սակայն նորա յիշած արձանագրութիւնը, որի հիման վրայ նա այդ թուին աւերուած է համարում Գեղամայ երկիրը, մենք ոչ մի տեղ չենք գտնում եւ տեսանք ընդհակառակն, թէ դեռ 1606 թուին ինչպէս շէն էր այդ գաւառը, կամ Միրզայ քէկի հօր տունը։ Սյլ եւ Ծարեցու պատմելով սոսկալի սով էր այդ թուին Վարանդայում, եւ ուրեմն աւելի շուտ այնտեղից մարդիկ կը փախչէին, քան թէ Միրզաքէկի պէս մի մեծատուն իշխան այնտեղ կ'երթար։ Շատ աւելի հաւանական է, որ նորա տեղափոխութիւնը կատարուած լինի նոյն 1603 թուին, երբ Մելիք Շահնազարն էլ ստիպուած էր Ծարում ապաստան գտնել»⁷։

⁶ Տէր-Մկրտչեան Կ., նշ. աշխ., էջ 189-190, 194.

⁷ Նոյն տեղում, էջ 133-134.

Վերջին վարկածի օգտին է խօսում նաև այն փաստը, որ պատմիչ Յովհաննէսիկ Շարեցին 1572-1600թթ. անցքերն ընդգրկող իր ժամանակագրութեան մէջ, ցնցող գոյներով նկարագրելով Վարանդա գաւառում 1579-1580թթ. տեղի ունեցած սովոր⁸, ոչինչ չի հաղորդում նման մի տեղափոխութեան մասին:

Իսկ ահա 1603թ. տեղի ունեցած այդպիսի մի տեղաշարժի մասին վկայութիւն, իրօք, գտնում ենք Դաւիթ Եպիսկոպոսի գրած յիշտակարանում. «Յորժամ եղեւ գարուն, այս բարեմիտ եւ իմաստուն իշխանն պարոն Մէլիք Շահնազարս, իմացաւ զոխս սրտից Օմար ազգին, հրաման արար երկրիս, թէ «Եկայք մտցուիք յամուրս, զի մի՛ լիցուիք կոխան այլազգաց» եւ ինքն գնաց ի Շար եւ ի Տպէլ: Եւ որք զիեւ նորա գնացին, զերծան ի սրոյ եւ ի գերութենէ այլազգեաց»⁹: Տպէլի տեղադրութեան հարցը պարզած Ա. Յակոբեանը եւ Յ. Սիմոնեանը ենթադրում են, որ «Մէլիք-Շահնազարը ամենայն հաւանականութեամբ հետապնդումներից խուսափելու համար նախ անցել է Շար, ապա երբ վտանգը աւելի է սաստկացել՝ Տուտխուի հովիտը՝ Տպէլ»¹⁰: Հաւանաբար այդ ժամանակ էլ Մէլիք-Շահնազարի եղեայր Միրզաբեկը հաստատուել է Վարանդայի Աւետարանոց գիւղում: «1606թ. Շահնազարը նոր էր մահացել, որ շահ Արսա Ա.-ը այցելեց մելիքանիստ Մեծ Մազրա, վայելեց Շահնազարի որդիներ Օրիի (Եսաւի) ու Քամալ-բեկի հիւրընկալութիւնը, հրամանագրով նորից նրանց հաստատեց գաւառի տէր՝ նուիրելով նաև ուրիշ գիւղեր ու դաստակերտներ, իսկ մելիք Շահնազարի կրտսեր եղբայր Միրզա-բեկին էլ մելիք կարգեց Վարանդայում»¹¹:

Մինչեւ սոյն Միրզաբեկի՝ Վարանդայի մելիքի պաշտօնում հաստատուելը, այնտեղ իշխել է մէկ այլ հայկական մելիքական

⁸ «Ճռաբաղ», Մոսքուս, 1859, տեսր Գ, էջ 73-75, Պատմութիւն Առաքել վարդապետի Դարիթեցոյ, Վաղարշապատ, 1896, էջ 608-611, Մանր ժամանակագրութիւններ ԺԳ.-ԺԸ. դդ., հ. 2, Երեւան, 1956, էջ 242-244.

⁹ ՏԵՐ-Ա.Ի.ԵՏԻՄԵԼ. Ա., Ցուցակ հայերէն ձեռագրաց նոր Զուղայի Ամենափրկիչ վանիքի, հ. Ա, Վիեննա, 1970, էջ 68, Հայերէն ձեռագրերի Ժ. դարի յիշտակարաններ (1601-1620թթ.), հ. Ա, Երեւան, 1974, էջ 218.

¹⁰ ՅԱԿՈԲԵՍՆ Ա., ՄԻՄՈՆԵՍՆ Յ., Դարիվանիքի նորայայտ արձանագրութիւնը եւ Տպէլի եղեայրութեան հարցը, «ՊԲՀ», 1998, թիւ 1-2, էջ 230:

¹¹ ՈՒԼՈՒԲԱԲԵՍՆ Բ., Արցախի պատմութիւնը սկզբից մինչև մեր օրերը, Երեւան, 1994, էջ 132:

տուն, որի ներկայացուցիչների այսպիսի մի հերթականութիւն է վիմագրերի հիման վրայ տալիս Մ. Բաղրամուտարեանցը. «Մելիք-Պապի որդի Հախիջանայ, Մելիք-Աւան որդի Մելիք-Պապու, Մելիք-Աղամ եղբայր Մելիք-Աւանայ, Մելիք-Փաշայ կամ Փաշիկ որդի Մելիք-Աւանայ, Մելիք-Դանիել, Մելիք-Մուզաֆֆար, որ է տոհմիս վերջին մելիքն»¹²: Վարանդա գաւառում տեղի ունեցած իշխանափոխութեան մասին Լէոն գրում է. «Այս տոհմը եւս մղուեց Մելիք-Շահնազարեաններից, որոնք եւ իրենց ձեռքն առան ամբողջ Վարանդան»¹³: Այդ պատմութեան վրայ որոշակի լոյս է սփուռում Միրզաբեկի որդի Մելիք-Բաղդի Ա-ին (Բաղրաման, Բաղրիսան) իրանի շահ Սեֆու (1629-1642) կողմից 1633թ. տըրուած հետեւեալ հրովարտակը, որի պատճենը Մ. Լազրեւից առանալով հրատարակել է Մ. Բարիխուտարեանցը.

«Բարձրագոյն իրաման եղաւ... նշանաւոր քրիստոնեայ Մելիք-Բաղին յայտնում է, քէ Վարանդայ գաւառի բնակիչները, նոյն գաւառի տանօւտերների կազմած հասարակական վճռով ընտրել եւ նանաչել են զինքը իրանց մելիք, բայց յիշեալ գաւառի շրջաններից մի ժամկետ՝ Մելիք Դանիելը... Թագաւորին մերձաւոր քարձը աստիճանաւորներն - Սաֆի-հուղի բէկ եւ Ալի-Մարդան բէկ իւզբաշին, Մամեդ-Բաղր-բէկ եւ ուրիշներն հաստատել են հպատակների հասարակական վճիռը: Այդ բանը վաւերացնելու համար ներկայացնելով վերեւ յիշուած հասարակական... (Մելիք-Բաղին) խնդրում է նշանակել զինքը մելիք յիշեալ գաւառին:

Արքունի օրագրից երեւում է, որ այդ գաւառի պարտականութիւնը (մելիքութիւնն) յանձնուած էր Մելիք-Մուզաֆֆարին... Մելիք-Մուզաֆֆարն հասարակական այդ վճովի վերայ մակագրել է, որ ինքն իրաժարում է յիշեալ գաւառի մելիքութեան պաշտօնը կատարելուց եւ որ նորա եղրօր մահից յետոյ ոչ ոքի յանձնուած չէ այդ պաշտօնի կատարելու:

Ուստի յարգելով նորա (Մելիք-Բաղու) խնդիրը, մենք հրամայեցինք, համաձայն հասարակական վճովին, որը կազմել են Մելիք-Մուզաֆֆարն եւ ուրիշներն, մեր քագաւորական միւս շնորհների նման «Լույ-իլ» (կոկորդիլոսի տարին) ամսի

¹² ԲԱՐԻԽՈՒՏԱՐԵԱՆՑ Մ., Պատմութիւն Աղուանից, հ. Բ, Թիֆլիս, 1907, էջ 40-41:

¹³ Լ. Հայոց պատմութիւն, հ. Յ, Երևան, 1946, էջ 748:

չինի եւ ոչ ամենափոքր ննջում եւ կողմնապահութիւն, իսկ վերյոյշեալ կալուածի հպատակները եւ ստորադրեալները պարտաւոր են համարել նրան լիազօր տէր, չշեղուել նրա հրամաններից եւ կարգադրութիւններից, որոնք վերաբերում են կալուածի մեծացնելուն եւ բարեշինելուն, առանց նրա գիտութեան ամենափոքր իրաւունքներ եւ արտօնութիւններ անգամ չիրացնել, համարել տիրողի բոլոր իրաւունքները նրան շնորհուած, չտալ նրան օգնական կամ ընկեր, ընդունել որ այս կարողութիւնը պատկանում է նրան ըստ ստվորութեան եւ նախկին տիրողների օրինակով, իսկ վերոյիշեալ մելիքը պարտաւոր է վարուել այնպէս, որ ամենքը գոհ լինեն նրանով եւ վերջապէս կատարել այս հրամանը, որ հաստատուած է քագաւորական կենիքով: Տրուած է Զուլիկիզա ամսին 1055թ. (1646թ. յունուարի 18-ից փետրուարի 17-ը)»¹⁵:

Հետագայում հաւասարար հէնց Մելիք-Շահնազարն էլ իր ծնողների յիշատակին Աւետարանոցի եկեղեցուն մի խաչ է նույրել, որի արձանագրութիւնը ընդօրինակել է Ս. Զալալեանցը. «Սուրբ խաչս յիշատակ է մելիք Բաղրուն եւ իւր կողակից Մարիամին ի դուռն Ամարասայ. թվին Հայոց ՌՃՃ (1661)»¹⁶:

Մելիք-Շահնազար Ա-ը որպէս Վարանդայի տիրակալ յիշւում է նաեւ 1673-ին, համաձայն Հերհեր գիւղի Ս. Գրիգորիս եկեղեցու արեւմտեան դրան ճակատակալ քարին փորագրուած սոյն արձանագրութեան. «Զաւրութեամբն Աստուծոյ շինեցաւ սուրբ եկեղեցիս ի դառն եւ ի նեղ ժամանակիս, վասն ծովացեալ մերաց եկն մարախ եկեր գերկիրս Աղուանից եւ աւերեաց բազում տեղիս ի քագաւորութեան Շահ Սուլեյմանին, պարունակութեան Միրզա Ղուլի թէկին եւ իշխանութեան երկրիս Վարանդու Մելիք Բաղրու որդի Մելիք Շահնազարին եւ օժանդակութեան Ովանիսին եւ քահանայից եւ տանուտեարց, մեծամեծաց եւ փոքրունց ամեն. թվին ՌՃՃ (1673)»¹⁷:

Մելիք-Շահնազար Ա-ին յաջորդել է որդին՝ Մելիք-Բաղրիմամ Բաղրի Բ-ը, որի գործունէութեան վերաբերեալ պահպանուել

¹⁵ Լէ0, Հայոց պատմութիւն, հ. 3, էջ 500-501.

¹⁶ ԶԱԼԱԼԵԱՆՑ Ս., նշ. աշխ., հ. Բ, էջ 248, Դիւան հայ վիմագրութեան (արտառևետել՝ Դիւան), V, Արցախ, Երեւան, 1982, էջ 152:

¹⁷ ԲԱՐԻԹՈՒՏԱՐԵԱՆՑ Մ., Աղուանից երկիր եւ դրացիք: Արցախ, Երեւան, 1999, էջ 214, ԼԱԼԱՅԵԱՆ Ն., Երկեր, հ. 2, Երեւան, 1988, էջ 37:

ութին... Մելիք-Բաղին մելիք Վարանդայի գաւառին, որն առաջ յանձնուած էր Մելիք-Մուզաֆֆարին և Ղարա-Կիւնին... Տաճկաց 1042 (1633) թվին»¹⁴:

Սոյն հրովարտակից երեւում է, որ Մելիք-Մուզաֆֆարը, հաւանաբար, չկարողանալով դիմակայել առաւել հզօր այս տոհմին, հրաժարուել է «յիշեալ գաւառի մելիքութեան պաշտօնը կատարելուց» յօդուտ Մելիք-Բաղու, որին էլ Վարանդայում յաջորդել է որդին՝ Մելիք-Շահնազար Ա-ը: Այդ մասին ստոյդ տեղեկութիւններ ենք գտնում Շահ-Աբբաս Բ-ի (1642-1666) կողմից 1646թ. նրան տրուած հրովարտակում, որի սկիզբը իրենից ներկայացնում է նախորդ հրովարտակի հակիրճ վերաշարադրութիւնը.

«Համաձայն բարձրագոյն իրամանի, որ տրուած է Հիշրեթի 1042 թուականի Ռեզեր ամսում (1633թ. յունուարի 12-ից փետրուարի 11-ը) Արանի Վարանդա կալուածի տիրապետութիւնը յանձնուած էր Մելիք-Բաղի քրիստոնեային հպատակների գրաւոր համաձայնութեամբ, որ վաւերացրել եւ ստորագրել էր Խափանի ամենահոչակաւոր եւ ամենափառաւոր կողմնակից Սեֆի-Կուլի-քեկը, շինութիւնների վերակացուն, ամենաբարձրապատիւ Ալիմերտան քեկի կառավարութեան ժամանակ:

Այժմ գերազանցագոյնը քրիստոնեաների մեջ, Մելիք-Շահնազարը, որդի վերոյիշեալ Բաղիի, եկաւ Դիւանը եւ յայտարարեց, որ իր հայրը նանաչուած էր տիրապետող եւ որ վերոյիշեալ կալուածի տանուտերը եւ հպատակները իրանց ստորագրութիւնները եւ կնիքները դրել են այն խնդրագրի վրայ, որով նանաչում են եւ Մելիք-Շահնազարին իրանց վրայ տիրապետող, իսկ ամենաբարձրապատիւ Սեֆի-Կուլի-քեկը նորից վաւերացրեց եւ ստորագրեց այն խնդրագրիը ի հաստատութիւն թէ նրանք նիշտ որ նանաչում են նրան իրանց տէր: Ուստի բարձրագոյն արքայական ողորմածութեամբ իրամայում ենք, որ ձայն տալու իրաւունք ունեցող անձինք համաձայն լինեն տալ չորրորդ մասը նրա տիրապետութեան, իսկ նա, Շահնազարը, պիտի ամեն տեսակ շանք եւ եռանդ գործադրել պահպանելու հպատակների եւ ստորադրեալների մեջ կատարեալ արդարութիւն եւ ուղղամատութիւն, գործելու այնպէս, որ

¹⁴ ԲԱՐՁՐՈՒԹՅԱՆՑ Մ., Պատմութիւն Աղուանից, հ. Բ, էջ 41-42.

Են մի շարք վկայութիւններ: Այսպէս, Գանձասարի կաթողիկոս Եսայի Հասան-Զալալեանն իր պատմութեան մէջ, նկարագրելով լեզգիների արշաւանքները, վկայում է, որ նրանք 1722թ. ապրիլին «անցան Վարանդա երկիրը, նոյնի (աւերն ու աւարը-Ա.Մ.) սկսեցին այնուեղ անել: Սակայն սրանց Պաղիր անունով մելիքը փութով ընդառաջ ուղարկեց մի ժամի մարդու իր ընծաներով, փրկեց գերիների կեսն ու իր երկիրը»¹⁸:

ՄԵԼԻՔ-ԲԱղրու գործունէութեան մասին որոշ տեղեկութիւններ էլ գտնում ենք 1723-1728թթ. հայուսական յարաբերութիւններն արտացոլող մի քանի փաստաթղթերում: Այսպէս, Մարտիրոս վարդապետի՝ 1724թ. փետրուարի 24-ին գրուած եւ Դերբենդի ռուսաց պարետին ուղղուած նամակում, որտեղ խօսք կայ նաև Արցախի մելիքների եւ իւզբաշիների քաղաքական կողմնորոշումների մասին, կարդում ենք. «ՄԵԼԻՔ Պաղի թոռնը մելիք Պաղը կանա Կարմիր աչքի (պարսիկների - Ա. Մ.) կողմն է»¹⁹: Սակայն, նշենք, որ չուտով 1726թ. մայիսին, ՄԵԼԻՔ-ԲԱղրին Արցախ ժամանակ Պետրոս Ա-ի պատուիրակ իվան Կարսապետին է տուել հաւատարմութեան հետեւեալ երդմնագիրը. «Գիրեցաւ էլի Խվան Կարապետի հրամանօվն»:

Պատշառ գրոյս այս է. ես Վարանդեցի մելիք Պաղիս, տէր Օվանս, եւ այլ ջամանակա-ս, ամէն թօպուն թալելս, այս գիրս դվինել վերայգրեալ էլի պէկին հրամանոցն, խօսքեն, թէ եւ մասլահարեն դուս գանիք, թագայորեն խային լինին եւ մեր ապրանք սոնկ լնի:

Մեր կամով գիրեցինեք գիրեն ՌՃՀԵ (1726) թվին»²⁰:

ՄԵԼԻՔ-ԲԱղրի ընտանիքի անդամների մասին կցկուուր տեղեկութիւններ են պահպանուել: Ե'ւ այս, ե'ւ, ինչպէս կը տեսնենք ստորեւ, միւս դէպքերում մելիքական ընտանիքների մասին

¹⁸ ԵՍՍ.ՁԻ ՀԱՍՏԱ-ԶԱԼԱԼԵԱՆ, Համառօս պատմութիւն Արուանից երկրի, Երեւան, 1997, էջ 30, տե՛ս նաև ԿՈՍՏԱՆԵՑ.ՆՑ Ս.Ո., Դիզակի մելիքութիւնը, «Նիւթեր հայ մելիքութեան մասին», պրակ Ա, Վաղարշապատ, 1913, էջ 20:

¹⁹ ԱԲՐԱՀԱՄԵԱՆ Ա., Մի էջ Անդրկովկասի ժողովուրդների եւ հայ-ուսական յարաբերութիւնների պատմութիւնից, Երեւան, 1953, էջ 40, Արմաно-ռուսские отношения в первои трети XVIII века, т. II, ч. II, Ереван, 1967, с. 72.

²⁰ ԱԲՐԱՀԱՄԵԱՆ Ա., նշ. աշխ., էջ 253, Արմяно-руссские отношения в первои трети XVIII века, т. II, ч. II, с. 291.

մեր գիտելիքները հիմնականում հարստացնում են Արցախի մելիքութիւնների պատմութեան անփոխարինելի սկզբնաղբեկուր հանդիսացող վիմագրերը։ Մելիք-Բաղրի կնոջ անունն անյայտ է, իսկ ահա Աւետարանոցի մօտ, Կուսանաց անապատում²¹ գտնուող Մելիք-Շահնազարեանների տոհմական հանգստարանում պահուող մի տապանաքարի արձանագրութիւնից տեղեկանում ենք, որ

«Այս է դապան մէլիք Պաղբի որդի մէլիք Միրզայրէկին, թվին ՌՃՂԴ (1744), նոյեմբերի ժ (10) առ...

Աստուած փոխեցաւ, ոչ որ գարդա ողորմի ասի.

ամէն»²²:

Իսկ Մելիք-Բաղրու դուստրերի անունները յայտնի են դառնում Աւետարանոցում Մ. Բարիսուտարեանցի ընդօրինակած սոյն յիշատակարանի շնորհիւ. «Սուրբ աւետարան սրբագիր եւ ոսկեգօծ վախճ եւ յիշատակ է Արքահամ պարոն-տէրին, որ տվան Մելիք Պաղուն կուսակրօն դատերացն Հռուրսիմին եւ Դաւարին եւ Շահանդուխտին ձեռքն ի վայելումն... գրեցաւ մատամբ տէր Եղիազարին մայիսի ին (25). օրն թվ. ՌՃՂՋ (1737). Էք»²³:

Մելիք-Բաղրի Բ-ը հաւանաբար 1730-ին արդէն վախճանած էր, որովհետեւ այդ թուականին իրանի շահ թահմասպ Բ-ի (1722-1732) հրովարտակով Վարանդայի մէլիքի պաշտօնում նշանակուած ենք տեսնում Բաղրի եղբայր Մելիք-Շուշէյնին։ Անհրաժեշտ ենք համարում բերել այդ հրովարտակի ժմբ. դարում կազմուած եւ մեզ հասած պատճէնի թարգմանութիւնը.

«Աշխարհասաստ հրամանագիր հրապարակուեց հետեւեալի կապակցութեամբ.

²¹ 1825թ. կազմուած Արցախի վանքերի ցուցակում կուսանաց անապատը ներկայացուած է այսպէս. «Անշեն անապատ կուսանաց, կառուցեալ մերձ գեղջն Աւետարանոց Վարանդայ գաւառակի, եկեղեցին ամբողջ, տաճիք գաւրին խախտեալ, յորում ամփոփեալ կան մարմինն ումաց Մելիքաց գեղին Մելիք-Շահնազարեանց, եւ այլոց հոգեւորականաց, սենեակին բոլորվին կործանեալք (առեւ Վաւերագրեր Հայ եկեղեցու պատմութեան, գիրք թ, Հայ Առաքելական եկեղեցու Արցախի թեմը 1813-1933թ., Երեւան, 2001, էջ 47):

²² Դիւան, V, Արցախ, էջ 149.

²³ ԲԱՐԻՍՈՒՏԱՐԵԱՆՑ Մ., Աղուանից երկիր եւ դրացիք, Արցախ, էջ 209:

Թոնքուզ եղի (խոզի տարուայ) չորրորդ ամսուայ սկզբից Վարանդա մահալի մելիքութիւնը շնորհեցինք քարձուաստիճան Մելիք Մուհամմադ Հուսէյնին, որպէսզի ինչպէս հարկն է այդ գործը ստանձնելով նրա պարտականութիւնները առանց թերացման կատարի, ոայաթների հետ, որոնք ամենագօր Արարչի որոնումների արժեքաւոր ճեռքբերումն են, լաւ վերաբերուի՝ այնպէս անելով որպէսզի բոլորը նրա բարի արարքներից գոհ ու շնորհակալ լինեն եւ որպէսզի բարի օրինանք յուն սրբազն էլութեանը: Վերոյիշեալ մահալի ժեղիսուդաներն ու ոայաթները յիշեալ քարձրաստիճան պաշտօնեային պէտք է այնտեղի մելիք նանաչն, նրա օրինաւոր խօսքին ու կամքին, որ ուղղուած կը լինի մահալի շենացմանը եւ դիւանի ունեցուածքի հարստացմանը, չհակառակուեն: Թող մեծ մուսթովիները այս ոաղամ-շնորհագիրը յարատեւող մատեաններում գրանցեն եւ այն իրենց պարտականութիւնը համարեն: Գրուեց 1142թ. սրբազն զի հեջչէ ամսին (1730թ. յունիսի 17-ից յուլիսի 17-ը)»²⁴:

Մելիք-Հուսէյնը յայտնի է օսմանեան թուրքերի դէմ տարած մի քանի յաղթանակներով: Այդ մասին է վկայում Կուսանաց անապատի գաւիթ-դամբարանում գտնուող նրա տապանագարի արձանագրութիւնը.

«Այս է տապան Մելիք Շահնազարի որդի Մելիք Յուսէինի, թվին ՌՃԶԵ (1736), ոգեմ գրանս գովեստի, ի վերայ Մելիք Յուսէինի, զոր գրեցի այս տապանի: Սա էր տէր երկրին Վարանդի, ԼԵ (35) մասն գեղի, սա էր հացով, սեղանով լի, ողորմէր ամէն ազգի, կերպարանօն էր գովելի, սա ոչ ետ

²⁴ Եթեւանի Մեսրոպ Մաշտոցի անուան Մատենագարան (այսուհետև՝ Մատենագարան), Կաթողիկոսական դիւան, թղթ. 2թ, վաւ. 173, պատճէն: Վաւերագրի հակառակ կողմում ուսւերէնով մակագրուած է. «КОПИЯ ОТ ГРАМОТОЫ ТАХМАСП ШАХА»: Այս հրովարտակի թարգմանութեան համար շնորհակալ ենք Ք. Կոստիկեանին: Նա նաև ենթադրում է, որ փաստաթղթում Մելիք-Հուսէյնի «Մուհամմադ անունը կամ աւելացուել է բնագրի պատճեն կազմեու ընթացքում տեխսափ սխալ ընթերցման արդիւնքում կամ մահմեդական միջավայրում նա այդ անունը եւս կրել է» (տե՛ս ԿՈՍՏԻԿԵԱՆ Ք., Թահմասպ Ա-ի հայերին ուղղուած հրովարտակները և 1730-31 թթ. նրա արշաւանքը դէպի Երեւան, «Մերձաւոր եւ Միջին Արեւելքի երկներ եւ ժողովուրդներ», XXIII, Երեւան, 2004, էջ 358).

հարկ թագաւորի, ամուր պարիսպ էր աշխարհի, թագ, պարծանք հայոց ազգի, պատերազմնաց հետ օսմանցի, յոյժ կոտորեաց ազգէն տանկի»²⁵:

Մելիք-Հուսէյնի կինը Դիզակ գաւառի տիրակալ Մելիք-Եղանի (մաճ. 1744) քոյլը Աննա խաթունն էր: Աւանդութիւնը Մելիք-Հուսէյնի կին Աննա խաթունի եւ գուստը Գայլանէի անունների հետ է կապում մի գիշերում Արցախ թափանցած օսմանէան զօրամասի ոչնչացումը, ինչից յետոյ Գայլանէն մտնում է կուսանոց, նուրիւռում գրչարուեստին: «Գայլանէ կոյսն, որ սրանեց Խամայիլ փաշին եւ գրեց սր Աւետարանն, որ շենում է եկեղեցումն Զանալչու»²⁶, - կարդում ենք *Մատենադարանի ձեռագրերից մէկում*: «Իմ 1881 թուի նաևապարհորդութեան ժամանակ, - գրում է Ռաֆֆին, - Աւետարանոց գիւղում ինձ յաջողուեցաւ տեսնել մի իրաշալի գրչագիր աւետարան, որ գրուած էր նոյն Գայլանէի ձեռքով»²⁷:

Աննա խաթունը վախճանուել է 1747թ., ինչպէս վկայում է Կուսանաց անապատի գաւթում գտնուող նրա տապանաքարի սոյն արձանագրութիւնը.

«Այս է դապան մէլիք Յիսէին
գորակից Եանիա [խալքունին,
թվին ՌՃՂԶ (1747)»²⁸:

Մելիք-Հուսէյնին յաջորդել է նրա եղբայր Մելիք-Բաղուռորդի Մելիք-Միրզաքեկ Բ-ը, որի մասին չափազանց քիչ բան է յայտնի, այն էլ կապուած իրանի Նադիր շահի կողմից մահապատժի ենթարկուելու հետ: Այսպէս, ԺԹ. դարի պատմագիր Միրզա Եռլուսութ Ներսէսովը (Յովսէփի Ներսիսեանց) այդ մասին

²⁵ ՐԱ.ՖԹԻ, Երկերի ժողովածու, հ. 9, Երեւան, 1987, էջ 441, ԲԱՐԽՈՒՏՍ-ՐԵՍՆՅ Մ., Պատմութիւն Աղուանից, հ. Բ, էջ 44-45, Դիւան, V, Արցախ, էջ 149:

²⁶ ՄԻՔԱՅԵԼ-ԲԵԿ ՄԵԼԻՔ-ՇԱՀՆԱՅԱՐԵԱՆ, Վասն ծագման Մելիք-Շահնայարեան տոհմին, Մատենադարան, ձեռ. 7429, էջ 9:

²⁷ ՐԱ.ՖԹԻ, նշ. աշխ., էջ 441:

²⁸ Հայկական ճարտարապետութիւնն ուսումնասիրող կազմակերպութեան (ՐԱԱ) նիւթեր, Ս. ԿԱՐՄԱՆԵՑԵԱՆԻ «Արցախի վիմագրերը» անտիպ աշխատութիւնից: Այն տապանագրերը, որոնց համար աղբիւր չի նշուած, վեցցուած են վերոյիշեալ գիւղանից:

գրում է. «Նադիր շահը նրանից (*Մելիք-Շահնազարեաններից - Ա.Ա.*) ոմն Միրզարեկի, յանցանե՛վ վերագրելով, պարանով խեղդամահ է անում եւ ասում. «Սա Շիրույշների (Կաւաստ Բ-ի Ա.Ա.) ցեղից է»²⁹: Իսկ աչա թափփու գրչի տակ պարանը վերածուել է դահճի սրի: «Մելիք-Հուսէյնի փոխարէն վարանդային սկսեց կառավարել նրա ազգական Մելիք-Միրզարեկ, գրում է թափփին, դա իր յանդուզն անհնազանդութեամբ գրգուց շահի բարկութիւնը, եւ շահը հրամայեց գլխատել նրան»³⁰: Այս դէպքը, ինչպէս վկայում է Մելիք-Միրզարեկի տասպանաքարի վերոբերեալ արձանագրութիւնը, տեղի է ունեցել 1744թ. նոյեմբերի 10-ին: Զի բացառուում, որ այս Մելիք-Միրզարեկի շառաւիղն է ոմն Սարգիս-բեկ Շահնազարեան, որն իրեն ներկայացնում է որպէս այդպիսին: Ղարաբաղի վիճակային կոնսիստորիայի՝ 1844թ. սեպտեմբերի 30-ին Բաղդասար մետրոպոլիտին ուղղուած գրութեան մէջ այդ մասին կարդում ենք. «Ի կոնսիստորիիս յայսմիկ լուան զինդիր Հայկազուն ի թէկազնէից Սարգիս-բեկի Բաղդաբեկան Շահնազարեանց ի 15 այսր սեպտեմբերի յանուն բարձրագոյն, յորում գրի-ցանկայ նա յորդոց իւրոց զեսային եւ զԳրիգորն այժմէն իսկ առավելա ի Սանկտպետերբուրգ ի կադերսկի կօրպուսն. իսկ զԽաչատուրն նշանակեալ միայն ի նոյն իսկ կօրպուսն, եւ գիտելով չափ, թէ հարկաւոր է նոցաունիլ առ ինեւան զմետրիքական վկայագիրս յաղագս ծնընդեան նոցա մկրտութեան, վասն որոյ զայս խնդիր իւր արկեալ ընդ սուրբ Գարշապարդ նորին կայսերական Մեծութեան ի յայտ ածէ թէ՝ ծնեալ են - ի նոցանէ նսային ի 1834 ամի, Գրիգորն ի 1836 ամի, իսկ Խաչատուրն ի 1842 ամի, եւ մկրտեալ են ի Շուշիոյ Ղազանչեցւոյ Ամենափրկչի եկեղեցւոցն: Հարկ համարի յայտ առնեալ, նախ՝ թէ, նա չունի առ ինեւան զարդիս պատրաստի զօրինաւոր վկայական վասն թէկազնէութիւն տոհմին իւրոյ, եւ երկրորդ, թէ չէ սերեալ նա ի Մելիք-Շահնազարեն Ղարապաղու, որոյ կանանց անուաննեն ենթանում, Սօնայ եւ Մալակ, այլ է թոռն Մելիք-Միրզարեկին»³¹:

²⁹ ՄԻՐԶԱ. ԵՈՒՍՈՒԹ ՆԵՐՍԷՍՈՎ, Ճշմարտացի պատմութիւն, Երևան, 2000, էջ 42; Մելիք-Միրզարեկի վախճանի մասին տե՛ս նաև Մատենագրան, ձեռ. 7429, էջ 43թ:

³⁰ ԾԱ.Ֆ. հ. աշխ., էջ 451, ՄՈՒՍՍՅԵԼԵԱՆ Հ., Ղարաբաղի նուանման հարիւրամեալը, «Արարատ», 1914, թիւ 9, էջ 240:

³¹ Վաւերագրեկ Հայ եկեղեցու պատմութեան, գիրք թ, էջ 132:

Նադիր շահը իր հրամանով մահապատժի ենթարկուած մելիքի փոխարէն Վարանդայի տիրակալ է նշանակել Մելիք-Շուսէյ-նի աւագ որդի Մելիք-Յովսէփին: Վերջինիս մելիքութիւնը, սակայն, կարճ է տեւել: Մելիք-Յովսէփի կրտսեր եղբայր Մելիք-Շահնազար Բ-ը, որը «իօնակորոյս սիրահարուած էր իշխանութիւն կոչուած գեղեցկուին սրտամաշ աշխերին»³², օգտուելով Նադիր շահի սպանութեանն (1747) յաջորդած քառոսից, սպանել է եղբօրը, կոտորել նրա ընտանիքը եւ իրեն հռչակել Վարանդայի մելիք: Ուշադրաւ է այս եղբայրասպանութեան Բաֆֆու մեկնաբանութիւնը. «Մելիք-Յովսէփը եւ Մելիք-Շահնազարը խորթ եղբայրներ էին, բացայստում է նա, Յովսէփը ծնուած էր Մելիք-Շուսէին Աննա-Խարուն անունով կնոջից, որը Տիգակի իշխան Մելիք-Աւանի քոյրն էր, իսկ Մելիք-Շահնազարը ծնուած էր Զոհրա-Խանումից, որը Նախիչենանի խանի աղջիկն էր, ազգով բուրք: Մելիք-Շուսէինը նրան իրեւ գերի բերեց Նախիչենանից, յետոյ ամուսնացաւ նրա հետ»³³: Անդթօրէն սպանուած Մելիք-Յովսէփը Խաչէն գաւառոի տիրակալ Հասան-Ջալալեանների տան վեսան էր եւ վերոյիշեալ արինահեղութիւնից մազապուրծ եղած նրա փոքրահասակ որդին՝ Սայիր-բեկը, ապաստաններ էր այստեղ, իր քեռու Մելիք-Ալլահվերդու մօտ: Սակայն շուտով սարջալիների ցեղապետ Փանահ Ալիի (մահ. 1762) հետ դաշնակցած Մելիք-Շահնազարի եղբայրասպան ձեռքը հասաւ նաեւ նրան:

Ենթադրում ենք, որ Մելիք-Շուսէյին որդին եւ Մելիք-Շահնազար Բ-ի եղբայրն էր նաեւ ոմն Ղահրաման բեկ: Նման ենթադրութեան համար հիմք է ծառայի Աւետարանոցի Մելիք-Շահնազարեանների տոհմական հանգստարանում գտնուող մի տապանաքարը, որը կրում է սոյն արձանագրութիւնը.

«Այս է տապան մելիք Ալյինի որդիի

Ղահրյման բեկին, բվ(ին) ՌՄԵ (1758):»

Միաժամանակ նշենք, որ Ղահրաման բեկի անուան հետ կապուած որեւէ յիշարժան դէպք մեզ յայտնի չէ:

Շահնազարի մելիքական իշխանութիւնը 1748թ. հաստատուել է իրանի Ալի իբրահիմ շահի հրովարտակով: Մեզ է հասել այդ շահական հրովարտակի ԺԹ. դարում կազմուած պատճէնը, որի թարգմանութիւնը ներկայացնում ենք ստորեւ.

³² Միրզա Ադիգեզալ-բեկ, Կարաբաց-նամե, Բակու, 1950, ս. 55.

³³ ԲԱՖՖԻ, նշ. աշխ., էջ 452.

«Աշխարհասաստ հրամանագիր հրապարակուեց հետեւեալի մասին».

Քրիստոնեաթերից լաւագոյն Վարանդայի մելիք Շահնազարի հանդէպ ունեցած շահական ողբրմածութեամբ, վիշապի տարուայ երրորդ ամսուայ սկզբից նրան նշանակում ենք տարեկան 50 թաւրիզի թուման ոռնիկ եւ նրան յանձնում Վարանդա մահալի մելիքութիւնը, որպէսզի նա ամէն տարի իր ոռնիկը ստանայ այնտեղ դիւանի մալիյարի գումարից եւ ծախսի իր կարիքների համար՝ նշտօրէն ու շիտակ կերպով ծառայելով եւ անհրաժեշտ ջանքերը գործադրելով այդ վիլայերը շենացնելու, ոպյարեներին հաւաքելու, դիւանի հարկերն ու այլ պարտաւորութիւնները կատարելու գործում, այնպէս որ նրա բարեացակամութիւնն ու հաւատարմութիւնը աշխարհակալ տիրոջը [շահին] յայտնի դարձնի: Վարանդա մահալի ոպյարեները պէտք է վերոյիշեալին այդ մահալի մելիք նանաչեն ու այդ գործի պարտականութիւնները նրան վերապահեն: Բարձրագոյն դիւանի մեծ մուսքովֆինները այս արքայական ուաղամ-հրամանագիրը թող գրանցեն եւ այն իրենց պարտականութիւնը համարեն: Գրուեց 1161թ. զի հեջջէ ամսին (1748թ. նոյեմբերի 22-ից դեկտեմբերի 22-ը)»³⁴:

ՄելիքՇահնազարի տմարդի արարքը նրա դէմ է հանում Արցախի միւս մելիքներին: Մկսւում է եղբայրասպան պատերազմը: «Մելիք Շահնազարը զգալով իր տկարութիւնը մելիքների հանդէպ՝ անհանգստացած սկսում է ելք որոնել, -գրում է Միրզա Եռևութ Ներսէսովը, - նարահատեալ դիմում է Փանահ խանի օգնութեանը, նրան հպատակում եւ հաւատարմութեան երդում է տալիս եւ նրա աջակցութեամբ ազատում մելիքների պատժից: Մելիք Շահնազարը լինելով շատ հարուստ՝ Ղարաբաղի խաներին ծառայութիւններ է մատուցում, որի շնորհիւ մեծ պատուի է արժանանում: Փանահ խանի իշխանութեան սկզբնական շրջանում, երբ նա փողի կարիք էր զգում, Մելիք Շահնազարը անհրաժեշտութեան դեպքում օգնութեան էր հանում եւ նրա կարիքները բաւարարում: Վերջում Մելիք Շահնազարը իր գործերը բարելաւելու եւ դիրքերն ամրապնդելու համար, աղջկան՝ Հուրզադ խանումին, կնութեան է տա-

³⁴ Մատենադարան, Կաքողիկոսական դիւան, թղթ. 2թ, վաւ. 203, պատճէն: Վաւերագրի հակառակ կողմում ուռւերէնով մակագրուած է. «КОПИЯ ГРАМОТЫ ИБРАХИМ ШАХА ПЕРСИДСКОГО» (թարգմ.՝ Ք. Կոստիկեանի):

լիս իրրահիմ խանին (*Փանակի որդուն - Ա. Մ.*), եւ այդ կերպ նրա հետո բարեկամական կապեր հաստատում: Ասում են, մի անգամ, դեռ Փանակ խանի իշխանութեան սկզբում Մելիք Շահնազարը նրան ասում է. «Ինչո՞ւ եւ մտահոգուում, եօթ տարի է, քո բանակը ընտիր աշորայով եւմ պահում»³⁵:

Այդ շրջանում Արցախում տեղի ունեցած իրադարձութիւնները ներկայացնում է նաև Յովսէփի արքեպիսկոպոս Արդութեանը, որը 1780-ին հերթականութեամբ ներկայացնելով Խամսայի մելիքներին, Վարանդայի Մելիք-Շահնազարի մասին գրում է. «Զօրացուցիչն է տանկաց եւ միարան ընդ խանին. ունի կարօղութիւն եւ սա հազար արանց պատերազմողաց. Վարանդ»³⁶: Իսկ ահա Յ. Արդութեանի կողմից 1783թ. յունուարի 28-ին գրուած եւ գեներալ Պաւել Պոտյոմկինին ուղղուած նամակում կարդում ենք. «Մելիք Ադամի, մելիք Յովսէփի եւ մելիք Խայու խորհուրդն մի էր, բայց ի մէջ նոցա որպէս թէ խորցէր մելիք Շահնազարն, որ է այր խորամանկ, թերահաւատ եւ ամենայն գործս բարեաց անպիտան, նենգաւոր եւ դաւանանոյ եղրաց: Ի Ղարաբաղ գայր էլ ինչ, որպէս յերկրին նօղայիքն խորամաշրջիկ, որի կոչիր Զվանշիր, որոյ գլխաւորի անունն էր Փանայ խան: Խորամանկն ի շարիս մելիք Շահնազարն զնա կոչեալ ի յօգնութիւն իւր, կամա իւրով հնազանդեցաւ նմա եւ զրերթն իւր եւ նմա»³⁷: Հնդկահայ ականջալուր-ժամանակակիցները Մելիք-Շահնազարին բնութագրել են այսպէս. «Հնարամիտ անձնաւորութիւն է, իմուս դիւանագիտական օրէնքներին ու ծէսերին: Սա եւս պարսից իշխանութեանն է ենթարկուում. առանց պարսիկ իշխանի (*Փանակի-Ա. Մ.*), որը սրան իրեն է հպատակեցրել, որեւէ բան, ինչ էլ որ կամենայ, չի կարող անկախարար կատարել»³⁸: Իսկ ահա այդ իրողութեան արձագանքները ժամանակակիցներին մելիքը, Զարաքերդի Մելիք Ադամին եւ Գիլիստանի Մելիքի Յովսէփին մէջ եղած դաշնակցութենից վախենալով, ինքն էլ Փանակ խանին հետ մի բարեկամութիւն արաւ,

³⁵ Միրզա. ԵՌԻՍՈՒԹ ՆԵՐՍԷՍՈՎ, նշ. աշխ., էջ 42, 50:

³⁶ ԼՅՕ, Հայոց պատմութիւն, հ. 3, էջ 832, Արմանո-ռուսские отношения в XVIII веке, т. IV, Ереван, 1990, с. 153.

³⁷ ԳէՈՐԳԵԱՆ Պ., Յովսէփի արք. Արդութեանի երկու նամակ-զեկուցագրերը որպէս հայ ժողովրդի պատմութեան սկզբաղրիւրմեր, «Էջմիածին», 1962, թիւ 4, էջ 37, Արմանо-ռուssкие отношения в XVIII веке, т. IV, с. 212.

³⁸ Նոր տեսրակ, որ կոչում է յորդորակ, Երեւան, 1991, էջ 103.

նրան իր բնակատեղին Շուշուայ բերդը եւ իր աղջիկն էլ (Փանակի որդուն-Ա. Մ.) կնութեան տուալ»³⁹: Փաստօրէն, այդ եղբայրապան պատերազմում հայ մելիքներից յաղթողներ եւ պարտուղներ չեղան, այլ օգուտ քաղեց երրորդ, օտար կողմը՝ վաչկատուն սարջալիների ցեղազետ Փանահ խանը, որը Մելիք-Շահնազարի թողտուութեան շնորհիւ 1752-ին հաստատուեց Արցախի սրտում:

Կեանքի մայրամուտին Մելիք-Շահնազարը զղջում է իր գործած չարիքների համար եւ, որպէս մեղքերի թողութիւն, վճռում վերանորոգել Ամարասը: Ս. Ջալալեանցը այդ մասին գրում է. «Զայս եկեղեցի շրջապատեաց սենեկազարդ պարապաւ ի նորումս Մէլիք Շահնազար»⁴⁰: «Ճռաքաղ» հանդէսում առաւել հանգամանորին են ներկայացուած Ամարասի վերանորոգման աշխատանքները. «Մէլիք Շահնազար Հայկազն՝ իշխան գաւառակին Վարանդու՝ կամելով ի հիմանց նորոգ շինել զայս ուխտատեղի, եւ հաստատել միարան ի նմա, կանգնեաց յապահովութիւն ի վերջ 18 դարու նախ առաջին ամրոց քառակուսի գեկեղեցեաւն՝ չորիւմ աշտարակօֆ քարուկիրս եւ ամրակուս, եւ ի ներքս պարսակի շուրջանակի սեղանատունս, խոհանոցս, սենեկակս եւ այլ շինութիւնս ի պէտս եւ ի բնակութիւն միարանից, որք եւ ցարդ ամրողութեամբ մնան: Այլ յաւարտիլ շինութեան բերդին՝ աւարտ եհաս եւ արեւու նորին՝ չեղեալ ձեռնիաս ի շինութիւն եկեղեցւոյն»⁴¹:

Պէտք է նշել, որ Վարանդայի տիրակալը չափազանց հարուստ անձնաւորութիւն էր եւ «Ամարասի վանքը շինելու, իր կալուածներում շրանցներ տանելու եւ այլ տնտեսական շինութիւնների վրայ մելիք Շահնազարը ծախսել է առնուազն 80 հազար ռուբրի արծաք: Միայն տուգանքների արդիւնքը տալիս էր Շահնազարին 20 հազար ռուբրի, իսկ «միջի» (ձրի աշխատանքով կատարուած) վարուցանքը եւ հունաը, որ անում էին մելիքի համար, 30 հազար ռուբրի: Խմիչքների հարկերի կապալը (Շուշի բերդում) տալիս էր մելիք Զումշուդին (մելիք Շահնազարի որդուն) 7000 ռուբրի»⁴²:

³⁹ «Կոռունկ Հայոց աշխարհին», 1863, թիւ Ը, էջ 622:

⁴⁰ ԶԱԼԱԼԵԱՆՑ Ս., նշ. աշխ., հ. Ա, Տփկիս, 1842, էջ 196.

⁴¹ «Ճռաքաղ», Մուքուս, 1859, տետր Ժ, էջ 339.

⁴² ԼէՕ, Հայոց պատմութիւն, հ. 3, էջ 506, նոյնի՝ Խոջայական կապիտալ, Երեւան, 1934, էջ 168:

Մելիք-Շահնազարը վախճանուել է 1792 թուականին, տարեց հասակում: Պահպանուել է Ամարասի իսրայէլ կաթողիկոսի ձեռքով գրուած յոյժ հետաքրքրական մի վկայութիւն, որտեղ բարբառային լեզուով ներկայացուած են Մելիք-Շահնազար Բ-ի վերջին օրերը եւ ժառանգական վէճերը նրա որդիների միջեւ: Վաւերագրում մասնաւորապէս կարդում ենք. «Ի ՌՄԽԱ (1792) թվին Հայոց որ Մելիք Շահնազարն մին ազար գտաւ լաւ էր թէ խանին մօտն, թէ՝ յուրյան բանին, թէ՝ յուրյան սառըշին վերահասու լինելն, ամենայն բանի եւ գործի մուղայք էր՝ թէ չէ խելքիցն ընկել էր, եւ ինքն բանի տեղեակ մարդ էր եւ խմասուն. Զումշուտն մեծ որդին էր, նորանից վերն Հուսին էր, առաջ Զումշուտին հրաւիրեց թէ՝ որդի, ես ծերացել եմ, ֆիշ մի ազար էլ ունիմ, դու ինքդ էլ իմ մեծ որդին ես, ե՛կ իմ էլածն, թէ նադի, թէ վեց, թէ հայլանար, թէ մյուլք քեզ հիպա անեմ (յանձնեմ) բանի որ ինլիս գլխիս է. բանի որ ասեց՝ Զումշուտն յանձն չառաւ՝ թէ լալա, ես քու ապրանքին բամահ չունեմ, ես էնչափ ունեմ, որ ինձ եերիք է: Սրանից ետն Հուսէյնին կանչեց մօտն, ես բաքլիպս էսպէս էլ Հուսէյնին արաւ, սա էլ յանձն չառաւ: Սրանից ետն Զհանկիրին՝ թէ որդի, ես բանի կենդանի եմ, եկ իմ ապրանքս քեզ հիպա անեմ. ես Զհանկիրն էլ չի յանձն առաւ: Նորանից Զհանպախչն կոչեց մօտն՝ ասաց, որդի ես ես Խամսումն մին մարդ եմ, ինձ աշխարհք գիտեն, կարում չեմ, որ ես ես դովլարս (հարասութիւնս) կառավարեմ, շատ է, եւ էլ մենակ եմ, եկ ես քեզ հիպա անեմ, ես տունս ես դովլարս դու յո՛լ տար, ես Զհանպաշչն յանձն չառաւ. ետն Մելիք Շահնազարն շատ նեղացաւ... Զատկէն մինչեւ վարդավառն անցաւ, Մելիք Շահնազարի ազարն օր աւուր աւելացաւ եկաւ էն տեղն հասաւ, որ գ [3] հաքիմ կար, վերէն ձեռք քաշեցին, աշկարա (բացայալ) ասեցին թէ՝ մենք էլ էդ մարդիդ իլան չի կարացինք անել եսօր եւ վաղն կը մեռնի... Մելիք Շահնազարն գ [3] օրէն ետ մեռաւ»⁴³:

Նրա մարմինն ամփոփուել է Մելիք-Շահնազարեանների տոհմական գերեզմանատանը, իսկ շիրմաքարը կրել է հետեւեալ չափածոյ արձանագրութիւնը.

«Այս է տապան Մելիք Շահնազարին,

⁴³ Լէօ, Հայոց պատմութիւն, հ. 3, էջ 869-871, հմմտ. ԲԱՐԽՈՒՏԱՐԵԱՆՑ Մ., Փատմութիւն Աղուամից, հ. Բ, էջ 121, տե՛ս նաև ԹՕՓՃԵԱՆ Յ., Թուցակ ժողովածուաց Խ. վրդ. Դադեանի, հ. Բ, Վաղարշապատ, 1900, էջ 42.

Որ է որդի Մէլիք Յիւսէկինին,
Արցախ գաւառաց իշխանին,
Վարանդու տիրապետողին.
Սա էր հայր Մէլիք Զիւմշիտին,
Հստ ոռւսաց պլկովնիկին,
Ազնիւ ոմն Հայոց ազգին,
Արի եւ բաջ զօրավարին
Խնդրեմ առնել զայս արժանին
Միոյ բերան Հայր մեղային
ՌՄԽ (1792)»⁴⁴:

Մէլիք-Շահնազարը ամուսնացել էր երեք անգամ: Նրա առաջին, օրինաւոր կինը՝ Թաջումը (Թագուհի), որն ըստ Բաֆֆու Խաչէն գաւառի տիրակալ Հասան-Ջալալէանների տնից էր՝ , վախճանուել է 1751թ., ինչպէս վկայում է նրա տապանաքարի սոյն արձանագրութիւնը.

«Այս է տապան մէլիքին
Շահնազարին կողակից
Թահումին, թվին ՌՄ (1751)»:

Այս Թաջումը Մէլիք-Զումշուղի եւ Ամարնանի (Գիւլիստանի Մէլիք-Բեդլար Բ-ի կինը) մայրն էր եւ նրա մահուան թուականը մօտաւոր պատկերացումներ է տալիս նաեւ Մէլիք-Զումշուղի ծննդեան թուականի մասին: Բաֆֆին Մէլիք-Շահնազարի ընտանիքը ներկայացնում է այսպէս: «Մէլիք-Շահնազարը ուներ մի բանի կնիքներ, Թագուհի-խանումից ծնուեց Մէլիք-Զումշուղը, Սննա-խանումից (Դիզակի Մէլիք-Եսայու դուստրը-Ա. Մ.) ծնուեց Մէլիք-Հուսէյն Գ. եւ մի աղջիկ՝ Հուրի-զատ անունով, որին հայրը կնութեան տուեց Իրրահիմ-խանին, իսկ Մալայիկ-խանումից ծնուեց Զհանքախշը, Զհանգիրը եւ մի աղջիկ Հումայի անունով»⁴⁵: Բաֆֆու տողերի խկութիւնը հաստատում է Բաղդասարը մետրոպոլիտի 1849թ. հոկտեմբերի 18-ի մի գրութեամբ՝ Արցախի մելիքների կանանց եւ որդիների մասին հաւաստի տեղեկութիւններով, որտեղ Մէլիք-Շահնազարի ընտանիքի մասին ասւում է հետեւեալը. «Վարանդու Մէլիք Շահնա-

⁴⁴ ԲԱՐԻՆՈՒՏԱՐԵՍՆՑ Մ., Աղուանից երկիր եւ դրացիք: Արցախ, էջ 210, ԼԱԼԱՅԵՍՆ Ե., Երկեր հ. 2, էջ 38-39, Դիւսն, V, Արցախ, էջ 150,

⁴⁵ ԲՍ.ՖՃԻ, նշ. աշխ., էջ 452,

⁴⁶ Նոյն տեղում, էջ 499,

զարն ուներ ինքնեան զառաջին օրինաւոր կին Թաջում անուն, յորմէ եւ ծնեալ է օրինաւոր որդի նորա Մէլիք-Զիւմշիւդնի: Զինի մահուան յիշեալ Թաջումին, Մէլիք-Շահնազարն էառ առ ինքն ի կենդանի առնել զինեան Սօնայ եւ ընդդէմ օրինաց պասկեցաւ ընդ նմա, յորմէ եւ ծնեալ է որդի նորա Մէլիք-Զիւմշիւն, որոյ եւ ժառանգքն գտանին այժմ յԱւետարանոց գեղջ: Ի կենդանութեան նոյն Սօնայ ապօրինաւոր կնոշն Մէլիք-Շահնազարն կրիւք բղախոհութեան ամուսնացաւ ընդ օրիորդին Մալակայ, դատեր հարազատ եղրօր հանգուցեալ կնոշն իւրոյ Թաջումին, եւ յայսմ ապօրէն ամուսնութենէ ծնեալ են Զահանքախն եւ Զահանկիրն, որոց ժառանգք եւս գտանին յԱւետարանոց: Այլ չունի նա զիարենորդի ժառանգս»⁴⁷: Որպէս ասուածի շարունակութիւն նշենք, որ պահպանուել է Ռուսաց կայսեր հրամանագիրը՝ Մէլիք-Շահնազարի ապօրինի կապերից ծնուած որդիներին օրինաւոր ժառանգ չճանաչելու վերաբերեալ, որտեղ գրուած է. «Յիշեալ Մէլիք-Շահնազարի»⁴⁸: Ի հարկէ, Մէլիք-Շահնազարի երկրորդ եւ երրորդ ամուսնութիւններից, կամ ինչպէս ժողովրդի գիտակցութեան մէջ է արմատացած՝ ապօրինի կապերից ծնուած լինելու հանգամանքը ամեննեւին էլ չի խանգարել, որ նրա այդ զաւակները եւս բաժին ստանան իրենց հօր ունեցուածքից եւ անգամ ունենան Վարանդայի մելիք գառնալու յաւակնութիւններ: Այսպէս, Երեւանի Մատենադարանի Կաթողիկոսական դիւանում պահպանուում է 1207Հ. թ. ոսմազան ամսին (1793թ. ապրիլի 12-ից մայիսի 12-ը) կագմուած մի արձանագրութեան պատճէն, ըստ որի Մէլիք-Շահնազարի որդիներ Զհանքախն ու Զհանգիրը իրար մէջ բաժանում են իրենց հայրական բախչեան ու առաջինին առաջինին բաժին է ընկնում Ամարաս

⁴⁷ Վաւերագրեր Հայ եկեղեցու պատմութեան, գիրք թ, էջ 180, տե՛ս նաև Մատենադարան, ձեռ. 7429, էջ 9, որտեղ կարդում ենք. «Մէլիք Շահնազարն ունեցաւ 3 կին. առաջին բակած կնկանից ծնաւ Մէլիք Զիւմշուդն. Երկրորդ խանմից Հուսէյին, երրորդ բակած կնկանից ծնաւ Մէլիք Զհանքախն, Զհանգիր աղան»:

⁴⁸ Վաւերագրեր Հայ եկեղեցու պատմութեան, գիրք թ, էջ 123, ՄՍ.ՂԱԼԵԱՆ Ա., Հայաստանեաց Առաքելական եկեղեցու պատմութիւնը արիխիւպին վաւերագրերում, «Դր շակ», 2002, թիւ 3, էջ 93. •

(Աղ Օլլան) գիւղում գտնուող այդին տան հետ, նաեւ Զանախչի՝ գիւղում գտնուող այդին եւ հնձանը, իսկ Զհանգիր բէկին՝ Բեղիջանում գտնուող այդին ու 30 թավրիզի թուման գումարը : Իսկ Հուսէյնը, որի քոյր Հուրիզատ խանումը Շուշուայ իբրահիմ խանի կինն էր, վերջինիս աջակցութեամբ ցանկացել է դառնալ Վարանդայի մելիք: Այնուամենայնիւ, Մելիք-Շահնազարի աւագ որդի Մելիք-Զումշուդին (մահ. 1812) յաջողուել է տիրանալ գաւառի իշխանութեանը: Այդ մասին Մ. Բարիխուտարեանցը գրում է. «Սպանում է Յիւսէինն Մելիք-Զիւմշիւից. որ եւ յաջորդում է իւր հօր Մելիք-Շահնազար Բ-ին»⁵⁰, սակայն աղբեւր չի նշում: Մելիք-Հուսէյնը մահացել կամ սպանուել է 1801-ին: Նրա տապանաքարին, որը գտնուել է Մելիք-Շահնազարեանների տոհմական հանգստարանում, փորագրուած է եղել.

«Այս է տապան Մելիք Շահնազարի որդի Մելիք Յիւսէյին. թվին ՌՄԾ (1801) էք»:

Մելիք-Հուսէյնի որդիները եւս վաղ են մահացել, ինչպէս վկայում են նրանց տապանաքարերի արձանագրութիւնները.

«Այս է տապան Մելիք Յիւսէյինի որդի Մանասն թվին. թվին ՌՄԾԶ (1807)»:

«Այս է տապան Մելիք Յիւսէյինի որդի... Աւաբնանին. թվին ՌՄԾՔ (1823)»⁵¹:

Մելիք-Զումշուդին իշխանութեան է եկել իր հօր աջակցութեամբ կայացած Ղարաբաղի խանութեան դէմ անհաշտ պայքար մղելու վճռականութեամբ:

Իրանի շահ Աղա Մամադ խանը (ծն. 1742-մահ. 1797) 1797-ին երկրորդ անգամ է արշաւում Անդրկովկաս: Շուշուայ իբրահիմ խանը, երկիւղելով ներքինի շահի դատաստանից, ընտանիքով փախչում է Դաղստան՝ իր աներ Օմար խանի մօտ: «Իրեւ լուալ Աղա Մամադ շահն թէ փախեալ ապստամբեալ խանն իրահիմ ի բաղաժէ Շուշոյ՝ ել եւ եկն տիրեաց նմա առանց

⁴⁹ Մատենադարան, Կաթողիկոսական դիւան, թղթ. 2թ, վաւ. 240: Վաւերագրի հակառակ կողմում մակագրուած է. «Զհանգախչին Զհանգիրին տուս եկած թարկ տավան է»:

⁵⁰ ԲԱՐԽՈՒՏԱՐԵԱՆՑ Մ., Պատմութիւն Աղուանից, 4. թ, էջ 45.

⁵¹ ԲԱՐԽՈՒՏԱՐԵԱՆՑ Մ., Աղուանից երկիր եւ դրացիք: Արցախ, էջ 211, Դիւան, V, Արցախ, էջ 151.

բանի պատերազմի. եւ ես ածել զառաջեաւ զամենայն իշխան-սըն հայոց՝ եւ չարչարեալ զնոսա բազմատեսակ տանջանօք, զի զսողյզն ասացեն զորքանութենէ յընչից իւրեանց⁵²: Իսկ «Զեր-քակալուածերի մէջ էին Վարանդայի Մելիք Շահնազարի որդի Մելիք Ջումշուդը, Մոլլա Փանահ Վաղիփը եւ շատ ուրիշ ազնուականներ ու իշխանառուներ»⁵³: Մելիք Ջումշուդը Աղա Մամադ խանին 70.000ռ. տուգանք տալով հազիւ է ազատում իր գլուխը⁵⁴ եւ, օգտուելով վերջինիս անսկնկալ սպանութիւնից, նախ-քան իբրահիմ խանի մերադարձը, իր քրոջ որդու՝ Գիւլիստանի Մելիք-Ֆրեյդունի (1768-1808) հետ փախչում է Վրաստան: Այս դէպքերի մասին յիշատակութիւններ են թողել նաեւ իրենք՝ փա-խրատական մելիքները: Այսպէս, Մելիք-Ջումշուդի՝ 1798թ. դեկ-տեմբերի 23-ին գրուած եւ ոռուաց կայսր Պատել Ա-ին ուղղուած խնդրագրում կարդում ենք. «Աղայ Մահմատ խանին մտեալ յամրոցն Շուշի՝ զմնացեալ ինչս իմ գրագուցեալս զգուշու-թեամբ, յափշտակեալ էառ յինեն, զկնի որոյ եւ ինեն ի նոյ-նում ամրոցի սպանեալ եղեւ, իսկ ես ըստ վերյ գրելոցն եր-կուցեալ ի դառնապայ իբրեհիմ Խալի խանին, տեսնելով զյար-մար դիպուած ի փրկել զիս, բողեալ զտունս, զգաւառս եւ զամենայն զհպատակս իմ, բռնադատեալ եղէ անտի որդով ի-մով Թողոսի եւ քեռորդուվն մէլիք Փիրիդոնի եւ իւզրաշի Պետրոս թէգիւն աստ ընդ իս եղելօվքն հանդերձ նմանապէս եւ կնաւս եւ այլօվք զաւակնքս գրեթէ մերկ փախչիլ առ յադ-րազգեաց զօրքն ոռուաց, որ ի Վիրս»⁵⁵: Ահա նաեւ Մելիք- Ֆրեյդուն Մելիք-Բեգլարեանի վկայութիւնը. «Ի յարձակելն ի վերայ Ղարաբաղու Աղայ Մահմատ խանին, յորմէ եւ տան- ջողն՝ իբրահիմ Խալի խան, եղեւ բռնադատեալ փախչիլ առ լէզկին եւ ի մերկանալն ի նմանէ ըստ մնացեալ զոյից բարե- րարին իմոյ եւ գերապատուելի մօրեղրայր մէլիք Զիմշիստին եւ ի սպանանելն Աղայ Մահմատ խանին ի Ղարաբաղ ի յիւ- րոցն, ես յիշեալ մօրեղրայրն իմով փախեայ անտի ի Վիրս»⁵⁶: Մելիք-Ջումշուդի Արցախից հեռանալու մասին գրում է նաեւ Ամենայն Հայոց կաթողիկոս Ղուկաս Ա. Կարնեցին Հնդկահայ նշանաւոր գործիչ Շահամիրեանին հաս-

⁵² ԶԱՐԱՐԵԱՆ Յ., Պատմութիւն գաւառին Արցախու, Մատենադարան, ձեռ. 2734, էջ 18:

⁵³ ՄԻՒԶԱ ԵՈՒՍՈՒԹ ՆԵՐՍԵՍՈՎ, նշ. աշխ., էջ 74:

⁵⁴ Արմանо-ռուսские отношения в XVIII веке, т. IV, с. 461.

⁵⁵ Արմանо-ռուсские отношения в XVIII веке, т. IV, с. 494.

⁵⁶ Արմանо-ռուсские отношения в XVIII веке, т. IV, с. 491.

ցէագրուած նամակում. «Սյլ յետ ներքինւոյ կործանմանն մելիք Զումշուտն կասկածեալ յիբրահիմ խանէն, որ դառնալոց էր ի Կովկասու, ամենայն տամրն խոյս ետ ի Տփիխս»⁵⁷: Պէտք է նշել, որ մելիքների հեռանալը հայրենիքից խարխլեց Խամսայի մելիքութիւնների հիմքերը եւ, ընդհակառակն, ամրապնդեց իբրահիմ խանի դիրքերը Արցախում:

1797-1798 թթ. Արցախում սով է սկսում, որին յաջորդում է ժանտախտը: Քաղցից եւ Համաճարակից փրկուելու նպատակով մելիքների հպատակները, «Գլխաւորապէս Գիւլիստան եւ Վարանդա գաւառների ժողովուրդը»⁵⁸, եւս գաղթում են Վրաստան:

Այստեղ սովատանջ հայ ազգաբնակչութեանը վաստ են ընդունում: Վրաց ազնուականութիւնից յուսախաք 1799թ. «Մելիք-Բեղլարեան Մելիք-Ֆրեյդունը եւ Մելիք-Շահնազարեան Մելիք-Զումշուդը գնացին Ս. Պետերբուրգ անձամբ աղերսամատոյց լինելու կայսրի մօտ իրենց պահանջների մասին»⁵⁹: Պատել Ա-ի 1799թ. յունիսի 2-ի հրովարտակի համաձայն Գիւլիստանի Մելիք-Աբովին է տրուում Բոլնիսի գաւառը, Մելիք-Ֆրեյդունին՝ Աղջակալան եւ Բորչալուի մի մասը, իսկ Բորչալուի մնացած մասը եւ Լոռին վրաց Գէորգի Ժ-Բ. Թագաւորի (1798-1800) հրամանով տրուում է Մելիք-Զումշուդին: Բացի այդ, կայսրը դեսպանորդ մելիքներին պարզեւատրում է գերազանցութեան շքանշաններով եւ մշտական թոշակ նշանակում. Մելիք-Զումշուդին տարեկան 1400ռ., Մելիք-Ֆրեյդունին՝ 1000ռ., իսկ Մելիք-Զումշուդի որդի Մելիք-Պօղոսին՝ 600 ռ.⁶⁰:

Սակայն Արցախի մելիքների դերը Վրաստանում, յատկապէս վրաց Գէորգի Ժ-Բ. Թագաւորի մահից (1800թ. դեկտեմբերի 28-ին) եւ Ռուսաստանի հետ Վրաստանի միաւորումից յետոյ, բաւականին ընկնում է: Այդ իսկ պատճառով մելիքները եւ նրանց հպատակները սկսում են վերադառնալ Արցախ: Մելիքնե-

⁵⁷ Հայկական աղբիւրները Առաջամմաղ խանի անդրկովկասեան արշաւանքների մասին (1795-1797 թթ.), աշխ.՝ Ռ. ՏԻՏԱՆԵՑՅԱՆԻ, Երևան, 1981, էջ 97: Այս դրգի մասին տե՛ս Պ. ԶՈԲԱՆԵԱՆԻ դրախոսութիւնը, «Լրաբեր հաս. գիտ.», 1982, թիւ 6, էջ 99-102:

⁵⁸ ՌԱ.ՖՖԻ, նշ. աշխ., էջ 533:

⁵⁹ Նոյն տեղում, էջ 533-534:

⁶⁰ Акты Кавказской Археографической Комиссии, т. I, Тифлис, 1866, с. 637.

⁶¹ АКАК, т. II, Тифлис, 1868, с. 1149, "Кавказская старина", 1872, N 2, с. 35.

ըից առաջինը օրինակ է ծառայել *Մելիք-Զումշուղը*, որը «1805թ. ծախել է Լոռին Վրաստաճի լեռնային մասի կառավարիչ կոմս Մուսին-Պուշկինին 6000 ռուբլով եւ իր հարազատ-ների հետ վերադարձել Ղարաբաղը»⁶²:

Ուշագրաւ է այն փաստը, որ *Մելիք-Զումշուղն* աջակցել է մայոր Հիսանելիշին՝ պարսից բանակին միանալ փորձող իբրահիմ խանի ոչնչացման գործողութիւնն իրականացնելիս⁶³, որը տեղի է ունեցել 1806թ. մայիսի 8-ի գիշերը:

Մելիք-Զումշուղը, ինչպէս վկայում է նրա տապանագիրը⁶⁴, վախճանուել է 1812թ. ապրիլի 25-ին, եւ թաղուել *Մելիք-Շահնազարեանների* տոհմական գերեզմանատանը:

Մելիք-Զումշուղը թողել է երեք գաւակ՝ *Մելիք-Պողոս*, որն ուղեկցում էր հօրը Ռուսաստանեան առաքելութեան ընթացքում, Բեհրամ-բեկ եւ *Մարգարիտ*: Վերջինիս անունը մի արծաթէ խաչի վրայ կարդացել է *Մ. Բարխուտարեանցը*. «Ընծայեցաւ սուրբ խաչս Ղեւոնիեայ հայրապետին *Մարքարիտ* Զիւմշիւտեանց 1876 ամի»⁶⁵: Բեհրամ-բեկի անունը քանիցս յիշատակւում է եւ՝ արձանագրութիւններում, եւ՝ փաստաթղթերում: Այսպէս, Աղուանից *Մ. Գրիգորիս* կամողիկոսի աջի վրայ *Մ. Բարխուտարեանցը* կարդացել է. «Նորոգեաց վերստին սուրբ աջս Գրիգորիսի Բէյրամ բէկ *Մելիք* Զիւմշիւտեան *Մելիք* Շահնազարովն. ՌՄԿԱ (1812) էր»⁶⁶, իսկ ներքին թաղավարդի *Մ. Աստուածածին* եկեղեցու դրան ճակատակալ քարին՝ «Շինեցաւ եկեղեցիս յանուն Սրբոյ Աստուածածնին արդեամբ եւ ծախիւմ ազնիւ Բէրամ աղայի որդույ աղօկովնիկ *Մելիք* Զիւմշիւտեան Շահնազարեանց ի յիշատակ կենդանեաց եւ համայն ննջեցելոց իւրեանց ի Քրիստոս 1840 թվ.»⁶⁷: 1836թ. դեկտեմբերի 17-ին գրուած մի փաստաթղթում, որը Կովկասեան հետեւազօրի գեներալի միջնորդագիրն է ուղղուած ուազմական նախարարին նրան ուռծիկ նշանակելու խնդրանքով, կարդում ենք. «Մուսուլմանական գաւառների պ. կառավարիչը վկայում է ինձ Ղարաբաղի

⁶² ԼԱԼԱՅԵԱՆ Ե., Երկեր, հ. 3, Երեւան, 2004, էջ 113.

⁶³ Իբրահիմի սպանութեան մասին տե՛ս *AKAK*, տ. III, *Տիֆլիս*, 1869, ս. 334-335.

⁶⁴ ԲԱՐԽՈՒՏԱՐԵԱՆՑ Մ., Աղուանից երկիր եւ դրացիք: Արցախ, էջ 210-211, ԼԱԼԱՅԵԱՆ Ե., Երկեր, հ. 2, էջ 39, Դիւան, V, Արցախ, էջ 150.

⁶⁵ ԲԱՐԽՈՒՏԱՐԵԱՆՑ Մ., Աղուանից երկիր եւ դրացիք: Արցախ, էջ 208.

⁶⁶ Նոյն տեղում, էջ 233.

⁶⁷ Նոյն տեղում, էջ 206.

գաւառի երկու մահալների կառավարիչ, այնտեղի բնակիչ պրապորչիկ Բակրամ թեկ Շահնազարովի ջերմեռանդ եւ նախանձախնդիր ծառայութեան մասին, որը լինելով չունեւոր եւ մահալ-նահրի պաշտօնի դիմաց չստանալով գանձարանից ոչ մի ոռնիկ, իր անշահախնդրութեամբ եւ անրասիր վարքով մշտապէս արժանացել է տեղի դեկապարների ուշադրութեանը եւ այդ միջոցով ձեռք թերել իր կողմից կառավարուող բնակիչների առանձնայատուկ յարգանքը, ինչպէս թեկերի դասի, այնպէս էլ միւսների շրջանում:

Ի նկատի ունենալով այդպիսի հաւաստումները պրապորշիկ Բակրամ թեկ Շահնազարովի գերազանց եւ օգտակար ծառայութեան մասին, ես որպէս երան խրախուսում հետագայում եւս նմանապէս ծառայելու համար, պատի ունեմ խոնարհարար խնդրել Ձերդ պայծառափայլութեանը՝ միջնորդելու նորին կայսերական Մեծութիւն Տէր Արքայից կարգադրութիւն ստանալու երան իր աստիճանի համեմատ ոռնիկ նշանակելու մասին, ըստ Վրաստանի բանակային հետեւազօրի դրոյքի, եւ ինչ կը հետեւի սոյն բարեհանութեանը, ինձ կը պատուեմ ծանուցումնվ: Ընդ որում պատի ունեմ աւելացնելու, որ Բակրամ թեկ Շահնազարովը պրապորշիկի աստիճան ստացել է 1818 թուականին լեզգիների դէմ իրագործուած արշափի համար»⁶⁸: Ինչպէս երեւում է Հետագայ վաւերագրերից, Հարցը լուծուել է դրականօրէն: Պահպանուել է նաեւ Բէջրամ Շահնազարեանի 1843թ. Յուլիսի 16-ի շնորհալակալագիրը կաթողիկոսին՝ իր որդի Միքայէլ-բեկի եւ Սոֆիա Մադաթեանի նշանադրութեան գործը յօգուտ նրանց՝ սինոդի որոշման համար:

Մելիք-Ջումշուդին յաջորդած Մելիք-Խուդադադը (1793-1833) Վարանդա գաւառի վերջին տիրական էր: Փաստաթթերը վկայում են, որ Մելիք-Խուդադադի իշխանութեան սկզբնական շրջանում Ղարաբաղի Մեհսի Ղուլի խանը՝ իբրահիմ խանի որդին, փորձել է տեղի-անտեղի միջամտել նրա գործերին: Այսպէս, պահպանուել է Մեհսի Ղուլի խանի 1228 հ. թ. (1813) հրամանագիրը տրուած Մելիք-Խուդադադին, որտեղ նշում է, որ Մելիք-Ջհանբաշին, որպէս մերձաւոր պաշտօնեայի, պէտք է յատկացնել 25 ընտանիք, որոնք նրա համար հողագործութեամբ կը

⁶⁸ Российский государственный военно-исторический архив(РГВИА), ф. 395, оп. 92, г. 154, л. 1.

⁶⁹ РГВИА, ф. 395, оп. 92, д. 154, л. 2-4.

⁷⁰ Վաւերագրեր Հայ եկեղեցու պատմութեան, գիրք թ. էջ 121-122,

զբաղուեն, որպէսզի նա իր կարիքները հոգայ⁷¹: իսկ ահա գեն. Ռտիշչեւի՝ Մեհմի Ղուլի խանին 1816թ. Յունուարի 20-ին ուղղուած նամակում այդ մասին կարդում ենք. «Ղարաբաղի Մելիք-Խուդադադ Շահնազարովը ինձ բողոք ներկայացրեց այն մասին, որ Զերդ Գերազանցութիւնը նշանակել է նրա մօտ Հաջի թեկ անունով Զեր պրիստաւին, որն իր իշխանութիւնը այն աստիճանի է տարածել, որ գրկել է նրան իր հպատակների նկատմամբ իշխանութեան իրաւոնքից: Եւ պարտական լինելով տրքնել այս երկրամասը բնակեցնող բոլոր ազգերի բարեկեցութեան համար, իմ պարտին եմ համարում առաջարկել Զերդ Գերազանցութեանը, որպէսզի դուք այս ստանալուց յետոյ անյապահ հետ կանչեք Զեր մօտ նշանակուած Հաջի թեկին, Մելիք-Խուդադադին հնարաւորութիւն ընձեռելով ազատ եւ անկաշկանդ կառավարել իր հպատակներին, քանի որ նա պարտական է Զեզ միայն պարտաւորութիւններով, տեղական սովորոյթի համաձայն, իսկ իր սեփականութեան կառավարման գործում ոչ մի կողմնակի անձ խառնուել չի կարող եւ պարտաւոր չէ, ոուսական կառավարման մէջ գոյութիւն ունեցող կարգի համաձայն: Այդ իսկ պատճառով հաղորդելով վերոգրեալը Զեզ ի գիտութիւն, ես մնում եմ համոզուած, որ Զերդ Գերազանցութիւնը որպէս ոուսահպատակ կը հետեւեք սոյն օգտակար կանոնին, ինչը եւ բոյլ չէ տայ խախտել Զեր մօտ գտնուող արիակեր թեկերից եւ ոչ մէկին, այլապէս հակառակ դէպքում այս կարգի պահպանման համար ձեռք կ'առնուեն այլ միջոցներ»⁷²:

Մելիք-Խուդադադը կառավարել է Վարանդայում⁷³ մինչեւ իր մահը՝ 1833 թուականը: Նրա տապանաքարին, որը գտնուել է մելիքական հանգստարանում, փորագրուած է եղել.

«Մելիք Խուդադ իշխող Վարանդայ
Թոռն ըստ մարմնոյ Մելիք Զիւմշիւտայ,
Այս նորա տապան յորում մարմնով կայ,
Կենդանի հոգուով միշտ եւ յարակայ,
Ամաց քառասնից ել սա յաշխարհէ»

⁷¹ Մատենադարան, Կաբողիկոսական դիւան, թղթ. 2թ, վաւ. 252, պատճէն, Վաւերագրի հակառակ կողմում մակագրուած է. «25 տան թաղղան ի Խուստաց տայտէն»:

⁷² Մատենադարան, Ալ. Երիցեանի արխիւ, թղթ. 158, վաւ. 140^ա. պատճէն:

⁷³ Նրա մասին տե՛ս նաև *AKAK*, ու. VII, Տսֆլուս, 1878, ս. 461-462.

Զերծ արդ գտանի յամենայն չարէ.

Զայս վեմ ետ շինել առն իւրում ի ձօն,

Ի պատիւ սորա կին սորին զգօն.

ԹՎ. ՌՄՁԲ (1833) էր»⁷⁴:

Հէռն եւ Բ. Ուլուբաբեանը սխալմամբ Մէլիք-Խուղադադին համարել են Մէլիք-Շահնազարի որդին⁷⁵, այնինչ, ինչպէս երեւում է նրա տապանագրից, նա Մէլիք-Ջումչուդի թոռն է եւ ծնուել է Մէլիք-Շահնազարի մահից մէկ տարի անց՝ 1793 թուականին: Մէլիք-Խուղադադի կինը իշխան Յովսէփի Բեհըութեանի դուստր Մարիան (1807-1837) էր⁷⁶:

Մէլիք-Շահնազարի որդի Մէլիք-Ջհանբաշխը, որի մասին խօսք եղաւ վերեւում մահացել էր 1822թ., ինչպէս վկայում է նրա սոյն տապանագիրը.

«Այս է տապան Մէլիք Ջհանբաշխին
Խշող Վարանդայ գաւառին.

Ազնիւ որդոյ Մէլիք Շահնազարին
Վախճանանցաւ 1822»⁷⁷:

Մէզ յայտնի տեղեկութիւնների համաձայն Մէլիք-Ջհանբաշխը թողել է երեք որդի՝ Խոսրով, Աղամ, Լալա⁷⁸ եւ մէկ դուստր՝ Նանագիւլ, որի անունը կարդում ենք մի աւետարանի յիշատակարանում. «Գրեցաւ ի 1845 ամի փետ. 18-ին. այս յիշատակ հայերեն աւետարանս տուեալ եղեւ ի գիւղն Խունիշինակ Սուրբ Աստուածածնայ եկեղեցւոյն որ է ընծայողն Զանայչու (Աւետարանոց) գիւղին քնակիչ Մէլիք Ջհանբաղչի որդի դուստր Նանակուլ Մէլիք Շահնազարեանց եւ այլ մին սուրբառ (շուրջառ) իր արծարի չափուաստովն»⁷⁹: Մէլիք-Ջհանբաշխի

⁷⁴ ԲԱՐԽՈՒՏԱՐԵԱՆՑ Մ., Աղուանից երկիր եւ դրացիք: Արցախ, էջ 211, ԼԱԼԱՅԵԱՆ Ե., ԵՐԿԵՐ, հ. 2, էջ 39, Դիւան, V, Արցախ, էջ 150.

⁷⁵ ԼՅՕ, Խոջայական կապիտալ, էջ 163, ՊԻԼՈՒԻԲԱՐԵԱՆ Բ., Արցախի պատմութիւնը սկզբից մինչև մեր օրերը, էջ 183.

⁷⁶ Hewsen R., The Meliks of Eastern Armenia III, "Revue des Etudes Armeniennes", 1975-1976, t. XI, p. 243.

⁷⁷ ԲԱՐԽՈՒՏԱՐԵԱՆՑ Մ., Աղուանից երկիր եւ դրացիք: Արցախ, էջ 211, ԼԱԼԱՅԵԱՆ Ե., ԵՐԿԵՐ, հ. 2, էջ 39, Դիւան, V, Արցախ, էջ 150.

⁷⁸ ՀԱԱ, ֆ. 57, ց. 3, գ. 2, թ. 3, 4, 19-20, 24-25.

⁷⁹ ԲԱՐԽՈՒՏԱՐԵԱՆՑ Մ., Աղուանից երկիր եւ դրացիք: Արցախ, էջ 222,

որդի Աղամն իր հերթին ունեցել է երեք որդի՝ Կարապետ, Ալեքսան եւ Թուման անուններով⁸⁰:

Վերջում հետաքրրքիր է տեսնել, թէ ինչպէս են արտայաց տուել Մելիք-Շահնազարեանների տան շառաւիղները Վարանդայում իրենց նախնիների տիրապետութեան մասին: Սամանաւորապէս, «Վասն ծագման Մելիք-Շահնազարեան տոհմին» ձեռագրում այդ մասին կարդում ենք. «Ղարաբաղու նահանգում Վարանդյա գաւառումն մեր յին ժամանակներում ամենեւին մահմետական չի եղել, բացի միայն հայք են եղել տիրապետողներն»⁸¹: Իսկ Մելիք-Զհանբաշի որդի Խոսրովը իր եղբայր Հային 1836թ. նոյեմբերի 24-ին ուղարկած նամակում գրում է. «Վարանդու մօղալն որ կայ, Խամսայի հինկ մէլիքին, մին մէլիքին հայրդնիցն այ, ինչպէս որ մեծի շայի Ապասի ժամանակիցն մինչի Փանայ խանի, եւ Փանայ խանի ժամանակիցն մինչ Երմօլովն Կուրքիստան կալուն, Վարանդու մէլիքութունն մէլիք Պաղուն ժառանիներին ծեռիցն ոչ դուրս էյ եկած, ոչ էլ ատար էյ դուրս կալուն, ոչ էլ կարելի այ դուրս բերելին, պատճառ որ այսպէսի աստիճանն պարսից թաքայորների ֆարմանների գօրութունօվն տուած էյ որբոց զորբի իմ նախնիացն որպէս որ այհայ (ահա) ԲՃ (200) տարի աւել էյ, որ Վարանդու ժողովութն ծառայում էն մէլիք Պաղուն ժառանիացն»⁸²:

1826-1828թթ. ոռւս-պարսկական պատերազմից յետոյ Մելիք-Շահնազարեանների տան ներկայացուցիչները որպէս տոհմիկ ազնուականներ մտան ոռւսական ծառայութեան մէջ⁸³:


⁸⁰ Վակերագրեր Հայ եկեղեցու պատմութեան, գիրք Թ, էջ 122-123:

⁸¹ Մատենադարան, ձեռ. 7429, էջ 9բ:

⁸² Մատենադարան, Կաթողիկոսական դիւան, թղթ. 257, վաւ. 167, թ. 1-2:

⁸³ Յարական բանակում որպէս սպայ ծառայած Մելիք-Շահնազարեանների անուանացուցակը տե՛ս ՐԳԲԱ, փ. 409, օպ. 1, լ. 1. Սոյն արխիվի փաստաթղթերի պատճէնները մեզ է արևմտորել Կ. Աթայեանը:

ՎԱՐԱՆԴԱ ԳԱԻԱՌԻ ՏԻՐԱԿԱԼ



Մանօք-ազգութիւններ



- սղամարդ



- կին



Մարիամ



Մարիամ
Բեհբութիւններ


?

?


* Մելիք-Հուսէինը ունեցել է 2 կին՝ Աննա խաթուն
և Զոհրա խանում անուններով:

** Մելիք-Շահնազար Բ-ը ունեցել է 3 կին՝ Թագուհի,
Սոնա և Մալայիկ անուններով:


ՄԵԼԻՔ-ՇԱՀՆԱԶԱՐԵԱՆՆԵՐԻ ՏՈՀՄԱԾԱՌԵՐԸ



ԿՈՒՍԱՊԱՏԻ ԱԹԱԲԵԿԵԱՆՆԵՐԻ



ՏՈՀՄԱՆԱՌԵՐԸ



ԳԼՈՒԽ Ե.

ԶՐԱԲԵՐԴ ԳԱԻԱՐԻ ՎԵՐՁԻՆ ՏԻՐԱԿԱԼ ԱԹԱԲԵԿԵՍՆՆԵՐԻ ՏՈՀՄԱԾԱՌԸ

Զրաբերդ (Զարապերդ, Զարաբերդ) գաւառի մելիքութեան տարածքը սկսում էր Թաղթառ գետից եւ տարածում մինչեւ Խաչէն գետը: 18-րդ դարի սկզբից Զրաբերդ գաւառի տիրակալ՝ ներն էին Մելիք-Խարայէլեանները, որոնցից էլ սերել են այս գաւառի վերջին տիրակալ Աթաբեկեանները⁸⁴:

Աթաբեկեանների գերդաստանը սկիզբ է առել Աթաբեկի իւզբաշուց (Հարիւրապետ), որը բնակում էր Զրաբերդ գաւառի կուսապատ (Կսապատ) գիւղում: Նրա անունով էլ տոհմի անդամները սկսել են կոչուել Աթաբեկեաններ: Աթաբեկ իւզբաշու մասին կցկոտուր տեղեկութիւններ են պահպանուել: Յայտնի է, որ նա «իրենից յետոյ քողել է երկու զաւակներ՝ Վանի եւ Գուլի: Հետագայում Վանու ժառանգները փոխադրուել են Ռուսաստան, ուր ապրում են մինչեւ օրս: Գուլիի ժառանգները մնացին Ղարաբաղում»⁸⁵:

Գուլիի թոռ Յարութիւնը (Թունի) ապրել է 18-րդ դարի վերջերին: Յարութիւնի երկու տղաները՝ Վանին (Յովհաննէս, 1766-1854) եւ Յակոբը (յահ. 1844), Հայրենասէր, քաջ եւ նախաձեռնող անձնաւորութիւններ էին ու աչքի են ընկնել պարսից թագաժառանդ Աբբաս-Միրզայի (1783-1833) գլխաւորած բանակի դէմ արցախսահյութեան մղած պայքարում: Վանին, որը իւզբաշի էր եւ ծառայում էր Զրաբերդ գաւառի իշխանութեանը Շուշուայ իբրահիմ խանի (1762-1806) օգնութեամբ տիրացած Մելիք-Ալլահվերդեանների վերջին ժառանգ Մելիք-Ռովշանի Հեծելազօրում, մասնակցել է 1804-1813 թթ. ռուս-պարսկական պատերազմին եւ իր մատուցած բազմաթիւ ծառայութիւնների Համար ուռւսական կառավարութիւնից ստացել պրապորչիկի աստիճան, ոսկէ մեդալ ու տարեկան 200 ռուբլի թոշակ: Եւ, քանի որ Զրաբերդի հին տիրակալ Մելիք-Խարայէլեանների ժառանգները տեղափոխուել էին Գանձակի գաւառ, իսկ Մելիք-Ալլահվերդեանները՝ Նուկիիի գաւառ, Վանի իւզբաշուն շնորհուեց մելիքի տիտ-

⁸⁴ ԲԱՐԴՈՒՏԱՐԵԱՆՑ Մ., Պատմութիւն Աղուանից, հ. Բ, էջ 56, ԱԻԱԳԵԱՆ Ս., Արցախը հայ մշակոյրի կարեւորագոյն օջախ, Երեւան, 1991, էջ 187.

⁸⁵ ՊՈՏՏՈՅ Վ., Ղարաբաղի առաջին կամաւորները, Երեւան, 1974, էջ 9.

ղոս ու նա 1813-ին ստացաւ Ջրաբերդի մելիքութեան կառավարչի պաշտօնը⁸⁶: «1814թ. նրանց տրուած խանական թալաղից ի միջի այլոց յայտնի է դառնում, որ Վանին իր ջանքերվ Ջրաբերդի մահալում բնակեցնում է 7 հայկական գիւղեր, որտեղ պարսկական արշաւանքների ժամանակ բոլորովին ոչնչացուել էին երկրամասում երբեմնի եղած բաղաքարքութեան բոլոր հետքերը»⁸⁷:

1822թ. Մելիք-Վանու տանը հիւրընկալուած նշանաւոր գրող Մ. Թաղիաղեանը նրա մասին գրում է. « Հասաք ի Ծիրանաքար, զոր հասարակօրէն Մէլիք Վանույ գիւղ ասէին, ի գաւառին Խաչենյ, եւ իջաք ի տան նորուն իսկ Մէլիք Վանույ, առն բարեպաշտի եւ երկիւղածի յԱստուծոյ, բայց եւ եզօրին ի պատերազմի: Լոկ անուն սորա դողացուցաներ զշրջակայ ազգս, մինչեւ անգամ եւ զեռնականս կովկասու: Երկիր նորա առաստ էր հացիւ եւ մեղերը. երիկարք նորա ընտիրք, եւ բնակիչք ամենայն Հայք եզօրք եւ տիրասէրք յո'յժ»⁸⁸:

Մելիք-Վանին 1826-1828 թթ. ոռուս-պարսկական պատերազմի սկզբին պարսից բանակի հրամանատար Աբբաս-Միրզայի մօտ գնացած պատգամաւորներից մէկն էր: Այս առաքելութիւնից յետոյ նա եւ միւս պատգամաւորները՝ Ղարաբաղի մետրոպոլիտ Սարգիս աղքեպիկակոպոս Հասան-Ղալաքեանն ու Գիւրիստան գաւառոի տիրակալ Մելիք-Յովսէփի Բ. Մելիք-Բեղլարեանը զօրավար Վալերիան Մաղաթովի (Ռոստոմ Մաղաթեան, 1782-1829) հրամանով ձերբակալում են եւ ութ ամիս մնում Բաքուի բանտում (Մարգիս մետրոպոլիտը բանտարկուած էր Թիֆլիսում): Ի վեց-ջոյ, Ռուսաստանի վաղեմի ախոյեանի հետ ընդհանուր լեզու գտած ու նրա բարկութիւնն ամոքած հայ երեւելիները անմեղ են ճանաչում եւ, Միքիր աքսորուելու փոխարէն, վերագառնում հայրենիք⁸⁹: Մելիք-Վանին 42 տարի շարունակ կառավարել է Ջրաբերդ գաւառը եւ վախճանուել 1854-ին, տարեց հասակում: Նրա կինը կուսապատի քահանայի դուստր Վարդուհին (մահ.

⁸⁶ ԲԱ.ՖՖԻ, Երկրի ժողովածու 12 հատորով, հ. 9, էջ 565.

⁸⁷ ՊՈՏՏՈՒՑ Վ., նշ. աշխ., էջ 38:

⁸⁸ ԹԱՂԻԱԴԵԱՆ Մ., Ճամապարհորդութիւն ի Հայս, «Գրական ժառանգութիւն» գրքում, Երեւան, ՀՍՍՀ ԳԱ հրատ., 1975, էջ 163.

⁸⁹ ՀԱԼԱՅՅԵԱՆ Ե., Երկեր, հ. 2, էջ 240, Լէօ, Երկերի ժողովածու, հ. 4, Երեւան, 1984, էջ 412:

1857) էր: Կուսապատի գերեզմանոցում պահպանուել են նրանց տապանաքարերը հետեւեալ արձանագրութիւններով:

«Աստ թաղեցաւ մեծ իշխանն
Զրաբերդու նախկին մելիք Իվանի
Աթարէկեանց 88 ամաց
հասակի վախճանեցաւ»⁹⁰:

Ահա նաեւ Վարդուհու տապանագիրը.

«Այս է կողակից մելիք Վանին
անուն սորա է Վարթի
1857 ամի»:

Մելիք-Վանին թողել է չորս գաւակ՝ Յովսէփ-ըեկ, Սարգիս-ըեկ, Աթաբեկ (Աղամ) եւ Միքայէլ-ըեկ:

Ոսկերիչ Յարութիւնի կրտսեր որդին՝ Յակոբ իւզբաշին (Մելիք-Վանու եղբայրը) եւս հայրենանուէր գործիչ էր, ու աչքի է ընկել ոռւս-պարսկական պատերազմների ժամանակ: Նրա կինը սեյդիշենցի Զաւահիր Սարումեանն էր: Վերջինիս տապանաքարին գրուած է.

«Այս է տապան Զաւրազին որ է
կողակից Յակոբին իւզբաշին մեծ
իշխան Աթարէկեանց, 1883 թվին»:

Յակոբ իւզբաշին ունեցել է երեք որդի՝ Ասլան, Զալալ եւ Յարութիւն: Կուսապատի գերեզմանոցում պահպանուել են նաեւ վերջին երկուսի տապանաքարերը սոյն արձանագրութիւններով.

«Այս է դապան Ճալալ թէկին
որդի էր Յակոբ եռզբաշին
թռոն մեծ իշխան Աթարէկին,
սայ էր ամաց Քանամեկին,
չուեալ գնաց յերկրէ յերկրին
ՌՄԴ (1847) ամի Ժն (15) նոյմբերին»:

⁹⁰ Հայկական ճարտարապետութիւնն ուսումնասիրող կազմակերպութեան (ՐԱԱ) նիւթեր, Ս. Կարապետեանի 1999թ. գրառումներից:

Իսկ Յարութիւն Աթաբեկեանի տապանաքարին կարդում ենք.

«Յայսմ տապանի ամփոփեալ
դնի բարեսէր մարմին
Յարութիւն բէկի, սա էր
եղբօր որդի մելիք
Խանի Աբարեկեանց
մեծ իշխանի, 1876»:

Զալալը եւ Յարութիւնը մահացել են անժառանգ⁹¹: Թերեւս, այդ պատճառով է Բաֆֆին իր «Խամսայի մելիքութիւններ» երկում գրել. «Յակոբ-իւզապաշին ուներ մի որդի միայն՝ Ասլան-բեկը, դրանից ծնուեցան Ներսէս-բեկ, Մովսէս-բեկ եւ Նիկոլա-բեկ»⁹²:

Մակար եպիսկոպոս Բարխուտարեանցը Կապաղակ գաւառի (այժմ՝ Աղբեկջանի Հանրապետութեան Գաբալայի շրջան) Սուլթան-Նուլիսի գիւղի գերեզմանոցում տեսել, ընդօրինակել եւ իր «Աղուանից երկիր եւ դրացիք» գրքում զետեղել է վերոյիշեալ Ասլան-բեկի տապանագիրը. «Հին եկեղեցու հարաւային կողմում, հանգստարանի մէջ աչքի է ընկնում մի ուշգրաւ մահարձան, որի ներքեւ ամփոփուած է Կուտապատցի բարեհամրաւ Մելիք-Վանու քոռն Ասլան-բեկի մարմինն: Մահարձանն կրում է սոյն արանագրութիւնը. «Այս է տապան բարեպաշտօն Ասլան բեկի, որդւոյ Ղարաբաղայ Ջրաբերդցի Աբարեկեանց Յակովը-բեկի, որ յաստինանի կոլեժակիյ սեկրետարի վախճանեցաւ ի 40 ամաց հասակի 1847 դեկ. 30-ին»: Հանգուցեալս վարած է այս կողմերում դատաւորի պաշտօն. թէեւ վախճանուած է ինեն, սակայն դեռ կենդանի է իւր արդարադատութեան հոչակն կենդանի ժողովրդեան յիշողութեան մէջ»⁹³: Այստեղ Մ. Բարխուտարեանցը սխալմամբ Ասլան-բեկին համարել է Մելիք-Վանու թոռը, մինչդեռ նա ոչ թէ Մելիք-Վանու թոռն էր, այլ վերջինիս եղբայր Յակոբ իւզբաշու որդին:

⁹¹ ՊՈՏՏՈՅ Վ., նշ. աշխ., էջ 58, ԲԱՐԽՈՒՏԱՐԵԱՆՑ Մ., Պատմութիւն Աղուանից, ևից, և. Ա, Վաղարշապատ, 1902, էջ 146, և. Բ, էջ 56, ԱԻԱԳԵԱՆ Ս., Սրցախը հայ մշակոյքի կարեւորագոյն օջախ, էջ 188,

⁹² ԲԱՖՖԻՆ Ա. աշխ., էջ 565-ի տողատակի ծանօթագրութիւնը:

⁹³ ԲԱՐԽՈՒՏԱՐԵԱՆՑ Մ., Աղուանից երկիր եւ դրացիք: Աղցախ, էջ 125, հմ.մո.՝ Ս. ԿԱՐՄԱՆԵՏԵԱՆ, Բուն Աղուանի հայերէն վիմագրերը, ԵՐԵՎԱՆ, ՀՀ ԳԱԱ «Գիտութիւն» հրատ., 1997, էջ 46.

Աթաբեկեանները թողել են բազմաթիւ ժառանգներ, որոնց մի մասի շառասիդները այսօր էլ բնակւում են Արցախում, իսկ ոմանք էլ բարձրագոյն կրթութիւն ստանալու եւ այլ նպատակներով անցել են Բաքու, Թիֆլիս, Երևան եւ Էջմիածին, ինչպէս նաեւ Ռուսաստան, Պարսկաստան ու Եւրոպա: Այս տոհմի 95 շառաւիդների կէսից աւելին ունի բարձրագոյն եւ միջնակարգ մասնագիտական կրթութիւն:

Մէլիք-Վանու որդիները՝ Յովսէփի-բեկը եւ Սարգիս-բեկը ապրում էին Կուսապատում: Պահպանուել է Արցախի թեմի առաջնորդ Բաղրամար արքեպ. Հասան-Զալալեանի (1775-1854) 1852թ. ապրիլի 1-ի ինժերագիրը ուղղուած ներսէս Ե. Աշտարակեցի կաթողիկոսին՝ Սարգիս-բեկ Աթաբեկեանին կոնսիստորիայի ատենադպիր նշանակելու վերաբերեալ, որտեղ մասնաւորապէս կարդում ենք. «Այժմ Վերստին վստահանամ խնդրել ամենախոնարհարար յԱստուածահաստատ Տէրութեան Ձերմէ քարեհանել նշանակել հաստատապէս ատենադպիր կոնսիստորիին զնախայիշատակեալ կուրերնակիյ սեկրետար Սարգիս-բէկն, որդի Խվանէ-բէկին Աքարեկեանց, որ ամօօ բազմօօ ծառայելով ի կոնսիստորիին Ղարապաղու եւ այժմ գտանելով առ ուս Սրբութեան Ձերոյ, կարէ արժանապէս կատարումն տալ ամենայն պատուիրանաց եւ կարգադրութեանց եւ խրատուց, զորս ունիք քարեհանել ցուցանել նմա եւ կամ գրել վասն գործառնութեանց եւ կառավարութեանց վիճակին»⁹⁴: **Մէլիք-Վանու որդի Աթաբեկը գնդապէտ էր ու մասնակցել է 1853-1856թթ. Ղրիմի պատերազմին:** Վերջինիս որդի Անդրէյը եւս եղել է բարձրաստիճան զինուրական (գեներալ-մայոր) ու վարել մի շարք պատասխանատու պաշտօններ: **Մէլիք-Վանու կրտսեր որդին՝ Միքայէլ-բեկը, մահացել է առանց ժառանգ թողնելու:**

Կուսապատի գերեզմանոցում պահպանուել են նաեւ Յովսէփի-բեկի եւ Սարգիս-բեկի տապանաքարերը հետեւեալ արձանագրութիւններով.

«Տապան է այս Յովսէփի բէկին
անդրանիկ որդոյ մելիք Վանին,
յազգէն մեծի Աքարեկեանցին,

⁹⁴ Վաւերագրեր Հայ եկեղեցու պատմութեան, գիրք Թ, էջ 215.

ծնաւ 1815 ամի յ8-ըն փետրվարին,
վախճանեցաւ 1861 ամի 14-ին սեպդեմբերին»:

**Իսկ Սարգիս-բեկի շիրմաքարը կրում է հետեւեալ տապա-
նագիրը.**

«Այս է տապան կօլեսկի սաւետնիկ
Սարգիս թէկի որ է որդի մելիք
Վանին Աթարեկեանց
վախճանեցաւ 1896 ամի
մայիսի 27-ին»:


Յովսէփ-բեկի որդիները՝ Ռուստամը, Յարութիւնը, Խսաջա-
նը եւ Սարգիս-բեկի որդիները՝ Իվանը, Նիկոլայը, Ալեքսանդրը
եւ Զումշուդը բնակւում էին Կուսապատում: Յովսէփ-բեկի որդի
Ռուստամը եւ Սարգիս-բեկի որդի որդի Իվանը, ինչպէս երեսում
է Կուսապատի Հանգստարանում գտնուող նրանց տապանաքարե-
րի արձանագրութիւններից, վաղ են մահացել: Հաւանաքար, այդ
պատճառով՝ ուուս ռազմական պատմաբան Վ. Պոտտոն (1836-
1912) նրանց չի յիշատակում: Ահա Յովսէփ-բեկի որդի Ռուստա-
մի տապանագիրը.

«Այս է տապան Ռուստամին,
որ է որդի Յովսէփ պէկին,
թոռըն մելիք Յովիաննեսին,
որք են յազգէ Աթապէկին,
թվին ՌՄՁԳ (1834)»:

Ահա նաեւ Սարգիս-բեկի որդի Իվանի տապանագիրը.

«Այս է տապան Իվանին,
որ է որդի Սարգիս թէկին և
թոռն է մելիք Վանին
1858 վախճանեցաւ»:

Խսաջանի որդին՝ Գարեգինը (Մելիք-Վանու ծոռը, Յովսէփ-
բեկի թոռը), ապրում էր Մարտակերտի շրջանի Մեհմանա գիւ-
ղում, որի բնակիչների մեծամասնութիւնը Աթարեկեանների աղ-
քականներն են: Գարեգինը վախճանուել է 108 տարեկանում,
կրկնելով հօր եղկարակեցութիւնը:



Ներսէս Ասլանի Արարեկեանի
տապանամարք

Ցակոր իւղբաշու ժառանգներից շատերը եւս անուանի մարդիկ են դարձել: Այսպէս, Ներսէս Ասլանի Աթաբեկեանը (Հարդիւրապետի թոռը, 1837-1904) հաշտարար դատաւոր էր Ղազախում եւ «ցարական իշխանութեան հետ երկար ժամանակ դատ վարելուց յետոյ, որպէս հատուցում ցարական կառավարութեան կողմից Ղարաբաղում բռնագրաւուած իր հողամասի, ստանում է Փարաֆարի եւ Վարմագեարի (այժմ՝ Արեւացատ) մեջ ընկած անշրդի եւ անմշակ բարքարու «ղոներ» կոչուած պետական հողամասը: 1904թ. մայիսին Ներսէս Արարեկեանը, որը բազմաթիւ վկայութիւնների համաձայն մեծ հեղինակութիւն էր վայելում շրջակայ գիւղացիութեան մեջ եւ արժանացել էր նրանց համակրանքին, իննասպանութեամբ վերջ է տալիս իր կեանքին, քողնելով իր մահից յետոյ 40 հազար ռուբլի պարտք»⁹⁵: **Մենք ընդօրինակել ենք իջմիածնի Ս. Գար-**

⁹⁵ Եղիս.ԶԱՐԵԱՆ Ա., Յովսէփի Արարեկեան, «ՊԲՀ», 1959, թիւ 2-3, էջ 207, 208; Նրա մասին տես նաև Ահետի Սիւթիւն վ., Հայ հասարակական մտքի գարգաման մարքս-լենինեան փուլի սկզբնաւորումը, Երեւան, 1976, էջ 246-255:

յիանէ վանքի բակում գտնուող նրա տապանաքարի արձանագրութիւնը.

«Երդուեալ հաւատարմատար
Ներսէս Ապահնեան
Աքարէկեանց
ծնեալ յ7 ապրիլի 1837 ա.
վախնան. ՚ի 18 Մայիսի 1904 ա.»:

Նա թողել է վեց զաւակ՝ Մարիամ, Յովանէփի, Տիգրան, Միքայէլ, Դաւիթ եւ Ասլան:

Ներսէս-բեկի եղբայրները՝ Մովսէս-բեկը եւ Նիկոլայ-բեկը պէտական խորհրդականներ էին: «Նիկոլայը մեռաւ պետական խորհրդատուի աստիճանով, զբաղեցնելով Ելիզավետպոլի (Գանձակ-Ա. Մ.) նահանգային դատարանի յատուկ գործերի ֆենիչի պաշտօնը, երանից յետոյ մնացին երկու որդիները՝ Լեւոնն ու Միքայէլը»⁹⁶, իսկ Մովսէսն ապրել եւ գործել է Շուշիում: Մովսէս-բեկը թողել է հինգ զաւակ՝ Ասլան, Ալեքսանդր, Նիկոլայ, Աբրահամ եւ Աննա, իսկ յայտնի հասարակական-քաղաքական գործիչ, բժիշկ, բանաստեղծ-երգիծաբան Լեւոն Աթաբեկեանը (1875-1918) Նիկոլայ-բեկի որդին էր (Յակոբ իւզբաշու ծոռը): Նա 1917թ. դեկտեմբերին եղել է Հայոց ազգային խորհրդի Բաքուի մասնաճիւղի փոխնախագահ, այնուհետեւ՝ անդամ եւ զոհուել է 1918թ. մարտի 20-ին, այդ քաղաքում տեղի ունեցած ազգամիջեան ընդհարումների ժամանակ՝ հաշտարար բանախօսի առաքելութիւն կատարելիս⁹⁷: Լեւոն Աթաբեկեանի գուստը՝ Մարգարիտը (1913-1995), բանասիրական գիտութիւնների թեկնածու էր: Ի դէպ, Հայկական սովետական հանրագիտարանում Աթաբեկեանների գերդաստանից ներկայացուած են վերոյիշեալ Լ. Ն. Աթաբեկեանը, Յովսէփի Ներսէսի Աթաբեկեանը (հրապարակախօս, թարգմանիչ, գիտատուուեան, 1870-1916) եւ վերջինիս որդին՝ Մովսէսի աւիացիոն ինստիտուտի էլեկտրատեխնիկայի ամբիոնի վարիչ, տեխնիկական գիտութիւնների դոկտոր, պրոֆեսոր Գրիգոր Աթաբեկեանը (1908-1966)⁹⁸, որի քոյրը՝ Անահի-

⁹⁶ ՊՈՏՏՈՅ Վ., նշ. աշխ., էջ 58:

⁹⁷ ՎՐԱՅԵԱՆ Ս., Հայաստանի Հանրապետութիւն, Երեւան, 1993, էջ 173:

⁹⁸ ՀՄՀ, հ. 1, Երեւան, 1974, էջ 125-126:

տը, 1953-ից Մոսկովայի Տիմիրեագելի անուան գիւղատնտեսական ակադեմիայի բուսաբանութեան ամբիոնի պրոֆեսոր էր: Յովսէփի Աթաբեկինի կինը Գերմանիայում հրաժշտական կրթութիւն ստացած եւ կատարելագործուած Հեղինէ Աւակիմեանն էր: Ներսէս-բեկի միւս որդիները (Ասլան-բեկի թուները)՝ Տիգրանը եւ Միքայէլը իրաւաբաններ էին, Դաւիթը (1876-1964)՝ մանկաբոյժ էր, բժշկական գիտութիւնների դոկտոր, պրոֆեսոր, ՌՍՖՍՀ վաստակաւոր բժիշկ, իսկ Ասլանը՝ ճարտարագէտ էր:



Յովսէփի Ներսէսի Աքաբեկանի
տապանաքարը

Բժշկական գիտութիւնների դոկտոր, պրոֆեսոր էր նաև Մովսէս-բեկի որդիին՝ նշանաւոր էնդոկրինոլոգ Ալեքսանդր Աթաբեկեանը: Նրա կինը Եկատերինա Նիկոլաեւնա Մոկոլովան էր: Ա. Մ. Աթաբեկեանը թողել է երեք զաւակ՝ Ալեքսանդր, Արմէն եւ Արիանա: Ականաւոր էնդոկրինոլոգի աւագ որդին՝ Ալեքսանդրը (1896-1952) եղել է Ստալինդրադի (Վոլգոգրադ) մեխանիկական ինստիտուտի դոցենտ: Ա. Մ. Աթաբեկեանի միւս որդին՝ Արմէնը (1902-1960) եւս բժշկական գիտութիւնների դոկտոր էր: Վերջինիս դուստրը՝ Մոսկովայի էնդոկրինոլոգիական բուժարանի վարիչ Եկատերինա Աթաբեկեանը, շարունակում է հօր եւ պապի

Գործը: Նրանք բոլորն էլ մեծ ծառայութիւններ են մատուցել Հայրենական գիտութեանը:

Այսպիսով, սոյն գիտում կազմուած եւ ամբողջացուած է Կուսապատի Աթաբեկեանների տոհմածառը՝ սկսած 18-րդ դարի կէսերից մինչեւ 20-րդ դարի կէսերը։ Յոյց են տրուած նաեւ տոհմի անդամների տեղաշարժերը եւ հետագայ տարածումը՝ սկըսած Ջրաբերդ գաւառի Կուսապատ գիտից մինչեւ Բաքու, Թիֆլիս, Երեւան եւ Էջմիածին, ինչպէս նաեւ Ռուսաստան, Պարսկաստան ու Եւրոպա։

ԱՐՑԱԽ ՄԱՂԱԼԵԱՆ

The family trees of the noble-Melik's of Artsakh (Materials about the Armenian Melikdoms)

(summary)

ARTAK MAGHALYAN

The Armenian history is rich with Melik (noble) families that have a prosperous past. For several decades, (beginning 17th century up to the first quarter of 19th century), the representatives of those families were the leaders of the national liberation movement. The most famous of them were Melik-Beglaryan of Gyulistan, Melik-Israelyan of Jraberd, Hasan-Jalalyan of Khachen, Melik-Shahnazaryan of Gegharkunik and Varanda, Melik-Eganyan (Melik-Avanyan) of Dizak and Melik-Aghamalyan of Yerevan. Unfortunately, not all descendants of those families were known.

1. During our research we reestablished and completed the family trees of the Melik-Shahnazarian's of Varanda and Atabekian's of Jraberd. In this research we reached to the conclusion that Atabekians are from Melik-Israelians.

2. Our research shows the resettlement and further spread of these families. Melik-Shahnazarans went from Gegharkunik to the province of Varanda of Artsakh. In the case of Atabekian it has moved from the village of Kusapat to Baku, Tiflis, Yerevan, Etchmiadzin and to Russia, Iran and Europe as well.

3. Enough information has not been given in the resources about the women of these noble families, that's why our research doesn't contain anything about them.